

ՊԱՇՏՈՆԱԿԱՆՔ



Ն. Ս. Օ. Տ. Տ ԳԱՐԵԳԻՆ Բ. ԱՄԵՆԱՅՆ ՎՅՈՑ ԿԱԹՈՂԻԿՈՍԻ ՎՈՎԱՊԵՏԱԿԱՆ ԱՅՅՆ ԱՎԱՏՐԱԼԻԱՅԻ ԵՎ ՆՈՐ ԶԵԼԱՆԳԻԱՅԻ ՎՅՈՑ ԹԵՄ

(1-10 փետրվարի, 2019 թ.)

ՓԵՏՐՎԱՐԻ 1-ԻՆ Ն.Ս.Օ.Տ.Տ. Գարեգին Բ. Ծայրագույն Պատրիարք եւ Ամենայն Հայոց Կաթողիկոսը Ավստրալիայի եւ Նոր Զելանդիայի հայոց թեմի առաջնորդ Գերաշնորհ Տ. Հայկազուն եպս. Նաջարյանի եւ թեմական խորհրդի հրավերով, հովվապետական այցով ժամանեց Ավստրալիա: Նորին Սրբությանն ուղեկցում էին Մայր Աթոռի Արտաքին հարաբերությունների եւ արարողակարգի բաժնի տնօրեն Գերաշնորհ Տ. Նաթան արք. Հովհաննիսյանը եւ գավազանակիր Հոգեշնորհ Տ. Անանիա արք. Ծատուրյանը:

Ամենայն Հայոց Կաթողիկոսին եւ նրա շքախմբին Ավստրալիայի Սիդնեյ քաղաքի օդանավակայանում դիմավորեցին թեմակալ առաջնորդ Գերաշնորհ Տ. Հայկազուն եպս. Նաջարյանի գլխավորությամբ թեմի եկեղեցականները, թեմական եւ ծխական, ինչպես նաեւ հայկական կազմակերպությունների շուրջ քսան ներկայացուցիչներ:

ՓԵՏՐՎԱՐԻ 2. Փետրվարի 2-ին Սիդնեյի Սուրբ Հարություն առաջնորդանիստ եկեղեցում տեղի ունեցավ «Հրաշափառ»-ի արարողություն: Եկեղեցու առջեւ Ամենայն Հայոց Հայրապետին խաչվառներով, դրոշակներով եւ բարիգալստյան պաստառներով դիմավորեցին հոգեւոր դասը եւ թեմական ու ծխական խորհուրդների անդամներ, երգչախմբերի անդամներ, դպրոցական աշակերտներ եւ սկաուտներ:

Աղ ու հացի օրհնության արարողությունից հետո Վեհափառ Հայրապետը շարականների երգեցողության ներքո հանդիսավորապես մուտք գործեց եկեղեցի, որտեղ Հայոց Հովվապետի օրհնաբեր այցին սպասում էին ավելի քան 400 հավատացյալներ: Օրհնելով բարեպաշտ

հայորդիներին՝ Նորին Սրբությունն ուղղվեց դեպի Սուրբ Խորան, որտեղ կատարվեց Եկեղեցու երկրպագության կարգը:

Այնուհետև եկեղեցական դասի, թեմական, ծխական խորհուրդների եւ համայն ավստրալահայության անունից Ամենայն Հայոց Կաթողիկոսին ողջունեց եւ բարի գալուստ մաղթեց Ավստրալիայի եւ Նոր Զելանդիայի հայոց թեմի առաջնորդ Գերաշնորհ Տ. Հայկազուն եպս. Նաջարյանը՝ հրավիրելով Նորին Սրբությանն իր հայրական օրհնությունը բաշխելուն երկա ժողովրդին:

**Ն.Ա.Օ.Տ.Տ. ՓԱՐԵԳԻՆ Բ. ԱՄԵՆԱՅՆ ՉԱՅՈՑ ԿԱԹՈՂԻԿՈՍԻ ԽՈՍՔԸ
ՍԻՂՆԵՅԻ ՍՈՒՐԲ ՉԱՐՈՒԹՅՈՒՆ ԵԿԵՂԵՑՈՒՄ
ՉՐԱՇԱՓԱՌԻ ԱՐԱՐՈՂՈՒԹՅԱՆ ԸՆԹԱՅՔՈՒՄ**

(2 փետրվարի, 2019 թ.)

«Ինչպես որ ընդունեցիք Քրիստոս Յիսուսին՝ Տիրոջը,
այնպես էլ ընթացէ՛ք Նրանով՝ արմատատուրած
եւ կառուցուած Նրա վրայ, հաստատ մնալով հաւատի մէջ»
(Կող. Բ. 6-7):

Սիրելի՛ Առաջնորդ Սրբազա՛ն, Գերաշնո՛րհ, Հոգեշնո՛րհ, Արժանապատի՛վ հայրեր, Թեմական Խորհրդի եւ Եկեղեցական համայնֆային վարչության բարեջա՛ն անդամներ, սիրելի՛ բարեպաշտ հավատավոր զավակներ Սիդնեյ ֆաղափի, սիրելի՛ երիտասարդներ եւ անուշիկ հայորդիներ.

Հայրապետիս հոգում գոհաբանություն է առ Աստված, որ Իր շնորհով վերստին այցելել ենք ձեզ՝ Ավստրալիայում բնակվող եկեղեցասեր ու ազգասեր հայորդիներին: Եկել ենք բերելու ձեզ օրհնությունն ու լույսը Քրիստոսահիմն եւ Լուսավորչահաստատ Մայր Աթոռ Սուրբ Էջմիածնի: Եկել ենք բերելու ձեզ սերն ու ֆաջալերանքը հայրենաբնակ ձեր փոյրերի եւ եղբայրների, որոնք այս օրերին հույսով, բարի սպասումներով, լավատեսությամբ կերտում են իրենց նոր կյանքը հայրենի մեր երկրում՝ Հայաստանում եւ Արցախում: Մենք անհուն բերկրամեծ փառք ենք մատուցանում Երկնավորին, որ ձեզ հետ միասին աղոթք ենք առ Աստված բարձրացնում աշխարհասփյուռ Մեր զավակների՝ հայոց հոտի բարօր, ապահով եւ առաջընթաց կյանքի համար, մեր հայրենիքի ապահով եւ խաղաղ կյանքի համար:

Այս ուրախարար եւ ոգեշունչ պահին, սիրելի՛ բարեպաշտ հավատացյալներ, առաքյալի հատկանշական խոսքն ենք մտաբերում, որ մշտական կոչ է՝ ուղղված ամենքիս. «Ինչպես որ ընդունեցիք Քրիստոս Յիսուսին՝ Տիրոջը, այնպես էլ ընթացէ՛ք Նրանով՝ արմատաւորուած եւ կառուցուած Նրա վրայ, հաստատ մնալով հաւատքի մէջ»:

Դարերի ընթացքում դժվարություններ ու փորձություններ է դիմագրավել մեր ժողովուրդը, ցեղասպանության հետեւանով ցրվել աշխարհով մեկ, բայց ամենուր, առաքյալի պատվերի համաձայն, պահպանել է հավատարմությունը առ Աստված, համբերել նեղությունների եւ գովարժան գործերով բարձրացրել իր կյանքը: Ինչպես որ աշխարհասփյուռ հայ համայնքներում, այստեղ՝ Ավստրալիայում նույնպես հայ համայնքի պատմությունը եղել է փորձությունների ու դժվարությունների հաղթահարում, նոր հաջողությունների կերտում, Մայր հայրենիքին մեր Սուրբ եկեղեցուն ու հայոց հոգեւոր կենտրոն Մայր Աթոռ Սուրբ Էջմիածնին հավատարմության գովելի վկայություն: Դուք այստեղ համախմբվել եք աշխարհի տարբեր համայնքներից եւ բերելով ու պահպանելով ձեր ավանդույթները, դրանց գեղեցիկ բազմազանությամբ հարստացրել ու բարեգարդել եք Սիդնեյի հայ համայնքը: Անցյալ դարի կեսերից այստեղ համայնքի հաստատումը եւ Սուրբ Հարություն եկեղեցու հիմնումը ու նրա շուրջ համախմբումը առավել աշխուժացրել է ազգային եկեղեցական կյանքը Սիդնեյի հայության: Ծխական կյանքի առաջընթացին մեծապես նպաստել են նաեւ հիմնադրված հայալեզու դպրոցները, տիկնանց եւ երիտասարդաց միությունները, տարեցների խնամքի կազմակերպության հաստատումը, ազգային բարեսիրական եւ մշակութային այն բոլոր կառույցները, որ հիմնադրվել են եւ գործում են անձնվեր ձեռ ջանքերով:

Այսօր, սիրելիներ, նույն նախանձախնդիր ոգով դուք գորացնում եք ազգային-եկեղեցական ձեռ կյանքը, շեն ու բարօր պահում ձեռ եկեղեցին: Բարեպաշտ ձեռ ընթացքը դուք զարդարում եք եկեղեցանվեր գործերով, մանուկ սերնդի հոգատար դաստիարակությամբ՝ շանալով ձեռ զավակների հոգում սերմանել հավատքը առ Աստված եւ սերը առ ազգն ու հայրենին, որպեսզի նրանք էլ՝ արմատավորված Քրիստոսին, ընդունեն Աստծու շնորհները եւ շարունակեն մեր ժողովրդի քրիստոնեակայել եւ ազգային կյանքը: Ձեռ ջանքերի բարի արդյունքները, վստահաբար, բերկրությամբ են լցնում համայնքի յուրահանչյուր անդամի հոգին, ինչպես եւ հայոց Հայրապետիս հոգին:

Ավստրալիայի օրհնյալ երկրում հայ համայնքի հոգեւոր-եկեղեցական անդաստանի բարեզարդությունը Աստծուց օրհնյալ պտուղներն են այստեղ բնակվող մեր ժողովրդի զավակների հավատքի, ազգասիրության եւ

հայրենամովիրումի: Դուք թեև ապրում եք հայրենիքից եւ Սուրբ Էջմիածնից հեռու, սակայն հայրենիքի եւ Սուրբ Էջմիածնի սերը մշտամնա բնակվում են ձեր մեջ՝ զորացնելով ու ոգեշնչելով ձեզ: Մենք գիտենք, որ ձեր սիրտը բերկրում, ցնծում է հայրենիքի յուրաքանչյուր ձեռքբերումով, գիտենք, որ դուք, այստեղ ձեր բարեշեն կյանքն ունենալով՝ նաեւ ձեր ներդրումն եք բերում հայրենական մեր կյանքին: Այո՛, սիրելիներ, զորեղ սփյուռքը նաեւ ուժ ու զորություն է հայրենիքին, ինչպես հայրենիքը ուժ ու զորություն է սփյուռքի համար, պատվարը սփյուռքի:

Սիրելիներ, ձեր հոգեւոր միասնականության մեջ է, որ արթուն կմնա ձեր եւ ձեր զավակների ազգասեր ու եկեղեցասեր ոգին: Այդ միասնականությամբ է, որ ձեր հայրերը դիմակայել են բոլոր փորձություններին, հաղթահարել բոլոր դժվարությունները: Այդ միաբանությամբ եւ դուք պիտի զորացյալ պահեք ազգային կյանքը Սիդնեյ ֆաղաֆում եւ պիտի արդյունավորեք սերը առ հայրենին եւ սերը դեպի մեր Սուրբ եկեղեցին եւ նրա աստվածակառույց հոգեւոր կենտրոն Սուրբ Էջմիածինը:

Հայրապետիս համար գոհունակություն է նաեւ, որ դուք այստեղ, սիրելի՛ հայորդիներ, բարձր եք պահում մեր ֆրիստոնյա ազգի բարի համբավը, բարի գործերով հավելում նրա հեղինակությունը հաշտ օտարաց: Գիտենք, որ հայրենիքից հեռու՝ բազում դժվարություններ, մարտահրավերներ կան ձեր կյանքում, հատկապես նոր սերնդին, ձեր զավակներին, անուշիկ հայորդիներին ազգային ոգով ու նկարագրով կրթելու եւ դաստիարակելու համար, եկեղեցական եւ ազգային կյանքում նրանց ներգրավված պահելու համար:

Առկա բոլոր խնդիրներով հանդերձ, մենք տարակույս չունենք, որ դուք պիտի շարունակեք մեր ժողովրդին հատուկ արիությամբ ու տոկունությամբ պահպանել հոգեւոր-ազգային արժեքները, հաստատուն ու անխաթար պահել ձեր բարեպաշտ կյանքը՝ միշտ հիշելով առաքյալի պատվերը. «Ինչպես որ ընդունեցիք Քրիստոս Յիսուսին՝ Տիրոջը, այնպես էլ ընթացէ՛ք Նրանով՝ արմատատրուած եւ կառուցուած Նրա վրայ, հաստատ մնալով հաւատքի մէջ»։ Հավատով մենք ապրել ենք, հավատով մենք արարել ենք, կերտել փառապանծ էջերը մեր պատմության: Հավատով մենք հաղթանակել ենք, հավատով մենք պիտի շարունակենք մեր ընթացքը՝ կյանքի կոչելով ազգային մեր իղձերը, զորացնելով մեր հայրենիքը, պաշտպանելով մեր արդար դատը եւ ամուր, հաստատուն դարձնելով խաղաղությունը հայրենի մեր սահմաններում: Յուրաքանչյուրս ունենք մեր բաժին պարտք բերելու այս նվիրական գործում՝ հայրենիքի շենացման, հայրենիքի զորացման, մեր ժողովրդի խաղաղ ու բարօր կյանքի կերտման նվիրական ու սուրբ գործում:

Մեր գնահատանքն ենք բերում ձեզ այն բոլոր ջանքերի ու ներդրումների համար, որով շեն ու պայծառ է պահպանվում հայ կյանքը Սիդնեյում:

Մեր գնահատանքը՝ բարեջան Առաջնորդին՝ Տ. Հայկազուն եպիսկոպոս Նաչարյանին եւ նրան աջակից հոգեւոր սպասավորներին, ովքեր սիրով ու հոգածությամբ իրենց նվիրյալ ծառայությունն են բերում ձեզ, որպեսզի դուք շարունակեք Տիրոջ շավիղներում ընթանալ եւ արգասավորել ձեր կյանքը բարի իրագործումներով: Մեր գնահատանքն ենք բերում թեմական եւ ծխական վարչությանց Մեր նվիրյալ գավակներին, ովքեր նախանձախնդրությամբ առ հայրենին, առ ազգային եւ հոգեւոր մեր կյանքը՝ բարի ծառայություն են բերում՝ իրենց ժամանակը, իրենց կարողությունները, նաեւ նյութականը ի սպաս բերում համայնքի շենացմանն ու պայծառությանը: Մեր գնահատանքն ենք բերում ձեզ բոլորիդ, սիրելիներ, որ ձեր հավատով պայծառացնում եք հայ կյանքը Ավստրալիո մեջ, շենացնում եք ազգային մեր հաստատությունները: Թող Տերը Իր Աջի հովանու ներքո պահի ու պահապանի ձեզ, օրհնի ձեր կյանքը, ընտանեկան ձեր հարկերը եւ զարդարի ձեզ երկնային բյուր շնորհներով:

Մեր աղոթքն է, որ Աստված խաղաղության ու բարօրության մեջ պահի Ավստրալիան եւ նրա բարեպաշտ ժողովրդին: Թող Աստված Իր օրհնության ներքո պահի աշխարհասփյուռ ազգիս կյանքը՝ զորացնելով ազգիս գավակներին կերտելու իրենց գալիքը հավատով եւ մշտապես փառաբանելու մեր Տեր Հիսուս Քրիստոսին այն բոլոր շնորհների, այն բոլոր պարգևների համար, որ բաշխում է ազգիս հայոց՝ ի Հայաստան, Արցախ եւ ի սփյուռս աշխարհի:

Թող Տիրոջ սերը, շնորհը եւ խաղաղությունը մշտամնա լինեն ձեզ հետ այսօր եւ հավիտյան: Ամեն:

* * *

Պատգամի ավարտին, Հայրապետական մաղթերգի երգեցողությունից հետո հավատավոր հայորդիները հնարավորություն ունեցան մոտենալու Նորին Սրբությանը եւ համբուրելու նրա Սուրբ Աջը եւ ստանալու նվեր խաչիկներ: Այնուհետեւ Սուրբ Հարություն եկեղեցու սրահում տեղի ունեցավ հանդիպում ժողովրդի հետ:

Այնուհետեւ Նորիս սուրբ Օծությունը Գերաշնորհ Տ. Հայկազուն եպս. Նաչարյանի ուղեկցությամբ այցելեց Սիդնեյ քաղաքի Սուրբ Երրորդություն հայկական եկեղեցի, որտեղ նույնպես տեղի ունեցավ «Հրաշափառի» արարողություն: Ամենայն Հայոց Կաթողիկոսին եկեղեցու առջեւ

դիմավորեցին եւ թափորով եկեղեցի առաջնորդեցին թեմի հոգեւոր դասը, թեմական եւ ծխական խորհուրդների անդամները, որտեղ Վեհափառ Հայրապետն իր օրհնությունը բաշխեց այս առիթով համախմբված համայնքի հարյուրավոր անդամներին:

Համատեղ աղոթքից եւ հայրապետական «Պահպանիչից» հետո Հայկազուն Սրբազանը ողջունեց Ամենայն Հայոց Կաթողիկոսի հովվապետական այցը Ավստրալիայի եւ Նոր Զելանդիայի հայոց թեմ եւ, մասնավորապես, Հայոց Հայրապետի առաջին այցելությունից վեց տարի առաջ վերակառուցված եւ 2014 թվականի հունվարի 5-ին օծված Սուրբ Երրորդություն եկեղեցի, որը դարձավ հոգեւոր տուն հայ համայնքի համար: Բարիգալստյան խոսքի ավարտին Սրբազանը հրավիրեց Նորին Սրբությունն իր օրհնությունը բերել հավաքված հայորդիներին, իր աղոթքով եւ պատգամով ներշնչել ժողովրդին եւ ամրացնել նրա կապը եկեղեցու հետ:

**Ն. Ս. Օ. Տ. Տ. ՊԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԽՈՍՔԸ
ՍԻՂՆԵՅԻ ՍՈՒՐԲ ԵՐՐՈՐԴՈՒԹՅՈՒՆ ԵԿԵՂԵՑՈՒՄ
ՀՐԱՇԱՓԱՌԻ ԱՐԱՐՈՂՈՒԹՅԱՆ ԸՆԹԱՅՔՈՒՄ**

(2 փետրվար, 2019 թ.)

«Քո երեսի լոյսը ծագեց մեզ վրայ
եւ ուրախութիւն տուիր մեր սրտերին»
(Սաղմ. Դ. 7-8):

Սիրելի՛ բարեպաշտ գավակներ Մեր,

Սաղմոսի գոհաբանությունը Մեր շուրթերին՝ փառավորում ենք Աստծուն, որ պարգեւը շնորհեց Մեզ վերստին այցելելու ավստրալաբնակ հայորդիներիդ, նաեւ առաջին անգամը լինելով՝ այցելելու Սիդնեյի Սուրբ Երրորդություն եկեղեցի, ուրախանալու ձեզ հետ հանդիպումով եւ վերապրելու մեր միասնական աղոթքի ու համախմբման ջերմությունը:

Մայր Աթոռ Սուրբ Էջմիածնից բերել ենք ձեզ սեր եւ օրհնություն, ձեր կարոտյալ սրտերին բերել ենք ողջույն հայրենի մեր երկրից, օրհնություն ենք բերել ձեզ մեր նվիրական սրբավայրերից: Հայրապետիս հոգին լեցուն է բերկրանքով եւ նվիրական զգացումներով, ֆանգի տեսնում ենք ձեզ այսպես միասնական ու համախումբ, ուրախության ժպիտները ձեր դեմքերին:

Համատեղ ջանքերով դուրս ձեռք բերեցիք եւ բարեգարդեցիք Սուրբ Երրորդությունն այս եկեղեցին, որպեսզի աղոթքի մշտամնա տուն ունենաք, Աստծու շնորհները վայելեք նրա խնկարույր կամարների ներքո եւ պահպանեք ձեր ազգային-հոգեւոր կյանքը, սրբություններն ու ավանդույթները եւ նվիրական արժեքները:

Մեր Սուրբ եկեղեցուն հավատարմությամբ մեր ժողովուրդը անցել է պատմության փորձությունների միջով, հաղթանակներ կերտել ու հարատևել որպես ազգ՝ իր հավատով, պատմությամբ, մշակույթով եւ ինքնությամբ: Ձեր ձեռքբերումներն ու հաջողությունները հնարավոր են դարձել, քանզի այստեղ բնակություն հաստատած ձեր հայրերը իրենց զավակներին՝ ձեզ կրթել ու անեցրել են ազգային ու հոգեւոր մեր ժառանգությամբ՝ կարեւորելով ինքնության պահպանությունը, զորացնելով համայնֆային կյանքը ազգային, բարեսիրական, կրթական հաստատություններով: Նրանք ձեր հայացքներն ու սրտերն ուղղել են դեպի հայրենին ու մեր Սուրբ եկեղեցին, որը մեր ժողովրդի հոգու ապաստանն է, ակունքը հավատքի ու Տիրոջ շնորհների: Առ Աստված ձեր ապավինությամբ ու հայրենյաց սիրով նորովի պիտի արդյունավորվի ձեր համայնքի կյանքը, ֆաջություն եւ ուժ պիտի ունենաք հաղթահարելու բոլոր մարտահրավերները, եւ Սուրբ Երրորդություն եկեղեցու խորանից հառագող կենսարար լույսը պիտի լուսավորի ձեր, ձեր զավակների կյանքի ուղին, եւ դուրս պիտի շարունակեք գոհաբանել Տիրոջը՝ սաղմոսեղբայր հետ ասելով. «Քո երեսի լույսը ծագեց մեզ վրայ, եւ ուրախութիւն տուիր մեր սրտերին»:

Սիրելի՛ բարեպաշտ, հավատավոր ժողովուրդ, գիտեմք, որ այստեղ ձեր հաջողությունների, բարի իրագործումների կողքին նաեւ դժվարություններ եւ դժբաղդակներ կան: Կանգնած եմ հայապահպանության, ազգային ավանդներին, հայրենյաց ժառանգությանը հավատարիմ մնալու խնդիրների առջեւ, որոնք անխուսափելիորեն հառնում են հայրենի հողից հեռու, այլ միջավայրում ապրելու պայմաններում: Բայց դուրս գիտեք զորությունը հավատքի կյանքի եւ բերում եմ վկայությունը նվիրումի ու հավատարմության մեր արժեքներին, ազգային գաղափարներին, հայրենիքին, մեր Սուրբ եկեղեցուն: Հայրապետիս հորդորն է, սիրելի՛ զավակներ Մեր, որ շարունակեք արարել, ստեղծագործել աստվածապարգեւ շերմեռանդ սիրով, սեր՝ եկեղեցու եւ ազգի հանդեպ, նվիրում՝ ընտանիքի ու բարեկամի հանդեպ, հավատարմություն ու նախանձախնդրություն՝ Ավստրալիայի ու մեր Մայր հայրենիքի հանդեպ, բոցավառ ու անմար սեր՝ Բրիտանական մեր ժառանգության ու ավանդների հանդեպ: Ամուր պահեք եկեղեցասեր ձեր ոգին, ձեր հավատավոր ընթացքը, եւ երկնահեղ շնորհներով, զորավոր աջակցությամբ Սուրբ Երրորդության, Ուր

անունը կրում է ձեր նվիրական եկեղեցին, պիտի հասնեմ առավել մեծ հաջողությունների եւ բարիքների՝ սաղմոսների գոհաբանությամբ փառավորելով Երկնավոր մեր Տիրոջը. «Քո երեսի լոյսը ծագեց մեզ վրայ, եւ ուրախութիւն տուիր մեր սրտերին»:

Մենք հավատում ենք, սիրելիներ, որ Աստված պիտի պարգևի մեր ժողովրդին այն օրհնյալ օրը, երբ ազգիս զավակները այս օրհներգով պիտի համախմբվեն Արարատի շուրջ՝ մեր հայրենիքի խաղաղ ու անամպ երկնքի ներքո եւ պիտի կերտեն իրենց լուսավոր երազների հայրենիքը՝ պայծառ գալիքով մեր ժողովրդի: Մենք հայցում ենք Տիրոջ զորակցությունը, որ ազգս հայոց միասնական ջանքերով իրականացնի դարավոր մեր այս իդան ու երազը:

Մեր հանդիպման այս առիթով հոգու խնդությամբ Մեր գնահատանքն ենք բերում եկեղեցական վարչական մարմիններին իրենց նվիրյալ ծառայության համար եւ մաղթում բարեբեր արդյունքներ համայնքային կյանքում: Մեր օրհնությունն ու գնահատանքն ենք բերում Ավստրալիո եւ Նոր Զելանդիայի հայոց թեմի առաջնորդ Հայկազուն եպիսկոպոս Նաչարյանին, նրան աջակից բոլոր սպասավորներին մեր Սուրբ եկեղեցու՝ մաղթելով ուժ եւ կորով, որպեսզի նոր արդյունքներով արգասավորեն ազգային եկեղեցական մեր անդաստանը: Հովվական նվիրյալ ծառայությանը որպէս գնահատանք՝ ցանկանում ենք մեր սիրեցյալ հայր Երեմիայի կուրծքը զարդարել վարդապետական լանջախաչով: Ուրախությունն ունենք նաեւ այս պայծառ եկեղեցուն, ձեզ՝ սիրելի՛ բարեպաշտ հավատացյալներ, ընծայաբերելու սրբապատկեր, որպեսզի սրբոց բարեխոսությունը անպակաս լինի ձեր կյանքից:

Մեր աղոթքն է, որ Տերն օրհնի հյուրընկալ այս երկիրը եւ միշտ խաղաղության ու բարօրության մեջ պահի-պահպանի նրա աստվածասեր ժողովրդին: Հայցում ենք Տիրոջից, որ պարգևի ձեզ կյանքի երջանիկ ու երկար օրեր եւ արդյունավորի ձեր եկեղեցաշեն եւ ազգանվեր ծրագրերը, արդար ու բարի բոլոր գործերը:

Մնացեմ խաղաղությամբ, Տիրոջ սիրո մեջ եւ Տիրոջ օրհնության ներքո. ամեն:

* * *

Այցի առիթով Հայոց Հայրապետը Սուրբ Երրորդություն եկեղեցուն ընծայեց Տիրոջ խաչելության պատկեր, նաեւ Սուրբ Էջմիածնից բերված խաչեր ընծայեց ներկա հավատացելոց: Աջահամբույրից հետո եկեղեցու «Բաթմանյան» սրահում տեղի ունեցավ հանդիպում եւ հյուրասիրություն

համայնքի անդամների հետ, որն սկսվեց եկեղեցու հոգեւոր հովիվ Հայր Երեմիա վարդապետի ծուխի հավատացյալների անունից Վեհափառին ուղղված բարիգալստյան խոսքով: Հանդիպման ընթացքում ներկաները հնարավորություն ունեցան ջերմ մթնոլորտում զրուցելու Վեհափառ Հայրապետի հետ, ստանալու իրենց կյանքը հուզող տարբեր հարցերի շուրջ Նորին Սրբության թեմադրություններն ու հորդորները: Ամենայն Հայոց Կաթողիկոսը նաեւ առանձին հանդիպում ունեցավ եկեղեցական վարչության անդամների հետ, ծանոթացավ համայնքային ծրագրերին՝ իր օրհնությունն եւ գնահատանքը բերելով եկեղեցական կառույցներում ընդգրկված աշխարհական անձանց նվիրյալ եւ անսակարկ ծառայության համար:

Փ Ե Տ Ր Վ Ա Ր Ի 3. Փետրվարի 3-ին ձեռամբ Ն.Ս.Օ.Տ.Տ. Գարեգին Երկրորդ Մայրագույն Պատրիարք եւ Ամենայն Հայոց Կաթողիկոսի Սուրբ Պատարագ մատուցվեց Ավստրալիայի եւ Նոր Զելանդիայի հայոց թեմի Սիդնեյ քաղաքի Սուրբ Հարություն առաջնորդանիստ եկեղեցում:

Պատարագի արարողությանը ներկա էին Նյու Սաութ Ուելսի նահանգապետուհի Գլադիս Բերեջիկյանը, Խորհրդարանի անդամ եւ նախարար Փոլ Ֆլեշլըրը, Քրիստոնյա Դեմոկրատ կուսակցության հիմնադիր եւ նախագահ Ֆրեդ Նայլը, Հայր Թովմաս Վարկիզը, Նյու Սաութ Ուելս էկումենիկ խորհրդի նախագահ Բեյ Վիլիլըմսը, Ավստրալիայի էկումենիկ խորհրդի ընդհանուր քարտուղար Էլիզաբեթ Սթոնը, Ղպտի եկեղեցու առաջնորդ Դանիել Եպիսկոպոսը, «Էմմանուել» սինագոգի խորհրդի նախագահ Կուեն Հարիսը, թեմական ու ծխական խորհուրդների անդամներ, հայկական կազմակերպությունների ներկայացուցիչներ եւ բարերարներ:

Ամենայն Հայոց Կաթողիկոսը թափորով ամպհովանիի ներքո առաջնորդվեց դեպի տաճար, ուր մասնակցությամբ բարեպաշտ հայորդիների եւ բազում հյուրերի մատուցեց Սուրբ եւ Անմահ Պատարագ: Սուրբ Պատարագին որպես առընթերականներ սպասավորում էին Մայր Աթոռի Արտաքին հարաբերությունների եւ արարողակարգի բաժնի պատասխանատու Գերաշնորհ Տ. Նաթան արք. Հովհաննիսյանը եւ Ավստրալիայի եւ Նոր Զելանդիայի հայոց թեմի առաջնորդ Գերաշնորհ Տ. Հայկազուն Եպս. Նաչարյանը: Արարողության ընթացքում Գարեգին Բ. Ամենայն Հայոց Կաթողիկոսն իր օրհնությունն ու պատգամը բերեց հավաքված ժողովրդին:

**Ն.Ս.Օ.Տ.Տ. ԳԱՐԵԳԻՆ Բ. ԱՄԵՆԱՅՆ ՅԱՅՈՑ ԿԱԹՈՂԻԿՈՍԻ ՔԱՐՈԶԸ
ՍԻՂՆԵՅԻ ՍՈՒՐԲ ՅԱՐՈՒԹՅՈՒՆ ԵԿԵՂԵՑՈՒՄ**

(3 փետրվար, 2019 թ.)

Յանուն Հօր եւ Որդոյ եւ Հոգոյն Սրբոյ. ամէն:

«Հաւատով ճանաչել զՆա եւ
զգօրութիւն յարութեան Նորա»
(Փիլիպ. Գ. 10):

Սիրելի՛ հավատացյալ, բարեպաշտ ժողովուրդ, Հայրապետիս համար մեծ մխիթարություն է ողջունել ձեզ այսօր, այս սուրբ եկեղեցու կամարների ներքո: Հովվապետական Մեր այցերի ընթացքին հավատավոր մեր ժողովրդի հետ հանդիպումներն են առավել ամրացնում Մեր այն համոզումը, որ Քրիստոսի Սուրբ եկեղեցուն ամուր կապված հայ ժողովուրդը, աշխարհի ամենահեռավոր անկյուններում անգամ, պահելու է իր ազգային, քրիստոնեական ինքնությունը: Փառք ենք մատուցում Տիրոջը, որ արժանացնում է Մեզ շնորհին ձեզ հետ միասին գոհության աղոթք բարձրացնելու երկինք՝ Սուրբ Պողոս առաքյալի խոսքերը կրկնելով. «Ողջոյն տվեք միմյանց սուրբ համբույրով» (Ա. Կորնթ. ԺԶ. 20):

Պողոս առաքյալն ինքը, իբրեւ ընտրյալ անոթ եւ Տիրոջ խոսքի անվեհեր փարոզիչ, շրջում էր քրիստոնեական նորաստեղծ համայնքներում՝ այդպիսով, սուրբ ողջոյնի միջոցով իրար կապելով միմյանցից հազարավոր մղոններ հեռու գտնվող քրիստոնյա եղբայրներին ու քույրերին: Այսօր Մենք էլ, իբրեւ Սր. Գրիգոր Լուսավորչի աթոռի զահակալ, եկել ենք ձեզ բերելու սուրբ ողջոյնները համայն հայության նվիրական կենտրոն Սուրբ Էջմիածնից եւ Հայրապետական մեր պատգամը փոխանցելու այստեղ, այս նվիրական Սուրբ տանարի կամարների ներքո խմբված Մեր սիրելի՛ հավատավոր զավակներին:

Պատմության բերած դժվարին փորձությունների ու տառապանքների պատճառով աշխարհասփյուռ դարձած հայ ժողովուրդը խաչելության իր երկար ճանապարհներն ավարտել է արության արեւածագերով՝ իբրեւ լույսի ու գործության աղբյուր մշտապես ճանաչելով մեր Տիրոջը՝ Հիսուս Քրիստոսին, ում հարության գործյամբ կրկին ուժ է առել ինքնակազմակերպվելու եւ պահպանելու ազգային քրիստոնեական իր դիմագիծը: Որտեղ էլ ապրել է քրիստոնյա հայորդին, աշխարհի ամենահեռավոր ու մոռացված ծագերում անգամ, նրա հոգին ծաղկել է Արարատի զավակը լինելու հայրենասիրական

ոգով եւ հաղթանակած Փրկչի հարության գործությամբ: Ուխտել է՝ մնալ մյուս ռոնադորձմ, հավատարիմ զավակը Սուրբ Էջմիածնի, որով անշեղորեն կրել է կնիքը հարության եւ շնորհը Քրիստոսին որդեգրության, ըստ առաքյալի խոսքի՝ հավատով ճանաչում ենք Նրան եւ Նրա հարության գործությունը (հմմտ. Փիլիպ. Գ. 10):

Սիրելիներ, Մենք անշափ ուրախ ենք եւ մխիթարված, որ Ավստրալիո հայ համայնքը նոր զարթոնք է ապրում, զորացնում հավատի իր կյանքը՝ համախմբված Հայոց Եկեղեցու շուրջ, վերաժենորելով մեր պատմության փառավոր հիշատակները եւ նախնյաց ժառանգությունը: Դուք եք այսօր հայ ժողովրդի դեսպանները հեռավոր Ավստրալիայում, ձեզանով նաեւ այստեղ գիտեն հայոց քրիստոնյա, հավատավոր հոգին, Հայ Եկեղեցին, մեր ժողովրդի հնամյա ու հարուստ ժառանգությունն ու մշակույթը, խաղաղության, ազատության, արարելու սերը մեր ժողովրդի:

Պատասխանատու ենք մեր ժամանակի համար, եւ մեր գործերով է, որ այն պիտի արձանագրվի իբրեւ վերականգնումի ժամանակաշրջան՝ լցված Քրիստոսով ազատ հոգու եւ մտածողության, քրիստոնեական մեր նկարագրի ամրագրման ու վերաժենորման ոգով: Մեր նոր ձեռքբերումներով ու հաղթանակներով է, որ պիտի առաջ ընթանա ժամանակը հայրենիքի զորացման ժամանակը՝ սփյուռքի գաղթօջախներում ազգային կյանքի վերագարթոնքի, մեր մշակույթի, գիտության ու կրթության զարգացման եւ ծաղկումի: Քրիստոս է մեր ճանապարհը, Նրան են ճանաչել մեր հայրերը, եւ Նրան ենք ճանաչում մենք՝ անվարան հավատալով Նրա հարության կենսագործող ու վերանորոգող գործությամբ:

Հայրապետական մեր հորդորն ու պատգամն է, որ շարունակեք ապրել նույն ջերմեռանդ հավատով եւ ազգային նախանձախնդրությամբ՝ հավատի ու աստվածահանո գործերի համադրմամբ շենացնելով Հայ Եկեղեցու շուրջ համախմբված ձեր համայնքը: Հիշե՛ք ու ձեր հայրենասեր հոգիներում պահե՛ք Տերունահիմն Սուրբ Էջմիածինը, որի Իջման Սուրբ Սեղանի առջեւ երկրպագել եւ Աստծուն են փառաբանել մեր պատմության բերրի անդաստանի անխոնջ մշակներն ու սպասավորները: Մայր Տանարի վեհափառ գմբեթները, որոնք դիմակայել են պատմության աշխարհավեր փորձություններին ու վայրագություններին, ժամանակների մարտահրավերներին, այսօր հպարտորեն կանգուն են՝ իբրեւ մարմնացումը հայ քրիստոնեական ոգու եւ ինքնության: Հանապազ մտաբերե՛ք, սիրելիներ, Հայաստանի սրբազան լեռները, զուլալ գետերը, մեր կապուտակ ու ջինջ Սեւանը, Արարատի վեհապանծ բարձունքները, մեր ազգային պայքարի ու հերոսացումի վկա Սարդարապատը եւ

Արցախը, Հայոց ցեղասպանության սուրբ նահատակների հիշատակը հավերժացնող երկնամուխ Ծիծեռնակաբերդը: Ձեր ազգային կյանքի մեջ միշտ վա՛ռ պահե՛ք հին մարմնի մեջ նոր ոգով վեր հառնող, հայ ֆրիստոնեական ֆաղափալթությունը մարմնավորող մեր փառապանծ վանքերն ու եկեղեցիները, որտեղ ամեն մի ֆար, հողի ամեն մի պատառիկ սրբազործված են մեր փառավոր նախնյաց մշտամրմունջ աղոթքով ու հայրենանվեր սիրով, նահատակության արյամբ ու պայֆարի ֆռֆնում:

Հաղորդակի՛ց դարձե՛ք, ձեր գործերով ու ձեր նվիրական զգացումներով, նորակերտ Հայաստանին, հայրենիքում իրենց հանապազ տֆնությամբ արարող, հայրենյաց սահմաններն անսասան պահող ձեր եղբայրներին ու ֆուրերին, որոնք վերստին մեր ազգային, ֆրիստոնեական արժեքներին իրենց նվիրվածությունն ու հավատարմությունը ամբողջ աշխարհին ի ցույց դրեցին՝ հաստատելով, որ ամենանգնաժամային պահերին իսկ հայ ժողովուրդը գիտե Քրիստոսի սուրբ պատվիրանների համաձայն առաջնորդվել եւ իր հայրենիքն անշեղորեն տանել դեպի նոր ու լուսավոր ապագա

Նոր արշալույս է բացվում ազգային մեր կյանքում՝ նոր հույսերով, ապահով, բարօր ու երջանիկ կյանք կերտելու վճռական տրամադրությամբ եւ կամֆով: Հայրենիքից ձեզ եկող լուրերն այսօր զգեստավորված են ոգեշնչումի ու ֆաշալերության թելերով, եւ մենք ամենֆ պետք է մեր կարելին անենք՝ միավորելու մեր ուժերը եւ զորացնելու մեր ազգային-ֆրիստոնեական հասարակությունը, կերտելու առաջընթացի ու հանդուրժողականության, սիրո եւ եղբայրության տիպար եւ այդ ոգով ու նկարագրով կերտելու ամեն հայի հուսալի ու շեն բնօրրան հայրենիք: Արդարեւ, հազարամյակների մեր պատմության օրինակն ու հարուստ ժառանգությունը, երկիր շենացնելու եւ մշակույթ զարգացնելու ֆորձը, ազատության հանդեպ հոգու եւ մտքի աննահանջ ձգտումը — այս ամենն ունենք ավելիով, որովհետեւ կանգնած ենք մեր նախնյաց հզոր ու անպարտելի ժառանգության ամուր պատվանդանի վրա, եւ դրանով մեր աշերի առաջ բացվում են լուսավոր հորիզոնները մեր հայրենիքի: Թող Աստված զորացնի մեր ժողովրդին՝ միասնականությամբ հասնելու իրագործմանը մեր արդար իղձերի, մեր պետության առավել հզորության եւ համայն հայության բարօրության ու պայծառության, ըստ առաքյալի խոսքի՝ «ամեն ինչի կարող եմ Քրիստոսի շնորհիվ, ով ինձ զորացրեց» (Փիլ. Դ. 13):

Սիրելիներ, սրբազան Պատարագի այս խորախորհուրդ արարողության ընթացքին ուրախություն է Մեզ համար ողջունելու Նյու Սաուր Ուելս նահանգի նահանգապետուհի մեծագնիվ տիկին Գլադիս Բերեշիկյանին, մեր ֆուր եկեղեցիների ներկայացուցիչներին, որոնց ներկայությունը վկայություն է

հայ համայնքի, մեր սուրբ եկեղեցու հանդեպ բարեկամության ու եղբայրական ջերմ զգացումների: Ուրախ ենք այստեղ ողջունելու նաև Մայր Աթոռ Սուրբ Էջմիածնի մեծ բարերար՝ տեր եւ տիկին Հայկ եւ Էլզա Տիտիզյաններին: Մաղթում ենք, որ Տերն օրհնի Ավստրալիո իշխանություններին՝ բարի իրագործումներով հավելելու շենությունն ու պայծառությունը այս օրհնյալ երկրի: Հայցում ենք Աստծու զորակցությունը ի Քրիստոս Մեր հոգեւոր եղբայրներին՝ տերունապատվեր բարի ծառայության, Տիրոջ Ավետարանը վկայելու մեծ առաքելության մեջ:

Աղոթքով առ Աստված հայցում ենք Տիրոջ օրհնությունն ու զորակցությունը Ավստրալիայի եւ Նոր Զելանդիայի Հայոց թեմի առաջնորդ Գերաշնորհ Տ. Հայկազուն եպիսկոպոս Նաչարյանին, հոգեւոր դասին, թեմական եւ ծխական խորհուրդների պատվարժան անդամներին, ձեզ բոլորիդ, սիրելի՛ ավստրալահայ զավակներ Մեր: Ամուր պահե՛ք ձեր հավատը, հայրենապաշտ ու եկեղեցասեր ոգին: Մնացե՛ք խաղաղությամբ եւ մնացե՛ք սիրով: Քրիստոնեական ամենահաղթ սերը շաղախը թող լինի ձեր կյանքի ու գործերի, որով կարողանա՛ք միշտ երախտագիտության եւ գոհության ոգով փառաբանել Աստծուն: Աղոթենք ու հայցենք Տիրոջ խաղաղությունը համայն աշխարհին, բարեկամ Ավստրալիո եւ հայրենի մեր երկրին: Թող միշտ զորանան սերն ու խաղաղությունը եւ բարի համագործակցությունը ազգաց, ժողովուրդների եւ պետությանց միջեւ, այսօր եւ միշտ եւ հավիտյանս հավիտենից. ամեն:

Սիրելիներ, այժմ գոհունակությունը ունենք որպես գնահատանք իր նվիրյալ ծառայության եւ որպես Հայրական սիրո արտահայտություն՝ եպիսկոպոսական պանակելով զարդարելու կուրծքը Ավստրալիո եւ Նոր Զելանդիայի Հայոց թեմի առաջնորդ Գերաշնորհ Տ. Հայկազուն եպիսկոպոս Նաչարյանին, մաղթելով փառառողջություն, երկար տարիների արդյունավոր ծառայություն ի փառս մեր սուրբ եկեղեցու:

Ուրախություն է Մեզ համար գնահատանքի արժանացնել նաև նվիրյալ ծառայությունը Սիդնեյի Սուրբ Հարություն եկեղեցու հոգեւոր հովիվ Տեր Ավետիս ֆահանայի, ով, տեսանք այս օրերին, մեծապես վայելում է սերը եւ հարգանքը մեր հավատավոր զավակների: Սիրելի՛ Տեր հոր կուրծքը ցանկանում ենք զարդարել ֆահանայական լանջախաշով՝ մաղթելով, որ նույն նվիրումով ու սիրով իր անսակարկ ծառայությունը բերի հավատավոր մեր ժողովրդին:

Սիրելի՛ բարեպաշտ զավակներ, Հովվապետական Մեր այս այցի առիթով Մայր Աթոռ Սուրբ Էջմիածնից բերել ենք մի սրբապատկեր, որպեսզի դուք ձեր հայցն ու աղոթքը բարձրացնե՛ք առ Աստված նորածին Մանկան՝ մեր Տեր Հիսուս Փրկչի առջեւ: Հայցե՛ք Երկնավորից խաղաղություն աշխարհին,

խաղաղություն՝ մեր հայրենի երկրին, բարօրություն՝ աշխարհասփյուռ մեր ժողովրդին, ամուր հույս ու հավատք, որպեսզի շարունակի լավատեսությամբ ու աննվազ կամքով կառուցել իր երազների երկիրը՝ հզոր, ապահով հայրենիք էլ իրագործել ազգային իր իդեալը:

Աստված թող օրհնի ձեզ ամենօրե և պահի պահպանի իր շնորհի և սիրո ներքո. այժմ էլ հավիտյան. ամեն:

* * *

Սուրբ Պատարագի ընթացքում Վեհափառ Հայրապետի օրհնությունը Հայկազուն Սրբազանի կողմից ընթերցվեց Հայրապետական Սրբատառ կոնդակը, որով Հայաստանյայց Առաքելական Սուրբ Եկեղեցու «Սուրբ Սահակ-Սուրբ Մեսրոպ» պատվո բարձր շքանշան շնորհվեց տիկին Գլադիա Բերեջիկյանին ազգօգուտ եւ եկեղեցանվեր իր ծառայության համար:

Հայրապետական այցելության առիթով եկեղեցուն ընծայվեց Տիրոջ Սուրբ Ծննդյան պատկեր՝ մաղթանքով, որ նրա առջև վերառաքվող աղոթքներով համայնքը շարունակի հավատի մեջ զորանալ, պայծառ պահել իր հոգեւոր ու ազգային կյանքը:

Ս. Պատարագից հետո հանդիսապետությամբ Ն.Ս.Օ.Տ.Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսի, տեղի ունեցավ Ավստրալիայի եւ Նոր Զելանդիայի հայոց թեմի նորակառույց առաջնորդարանի բացման արարողությունը:

Սիդնեյի Սուրբ Հարություն առաջնորդանիստ եկեղեցում մատուցված Սուրբ Պատարագի ավարտին Ամենայն Հայոց Կաթողիկոսը «Հրաշափառով» ուղղվեց դեպի առաջնորդարանի նորակառույց շենքը, որտեղ իրեն սպասում էին պետական այրեր, հայկական կազմակերպությունների ներկայացուցիչներ, Հայ Եկեղեցու բարերարներ եւ բազում այլ հավատավոր հայորդիներ:

Վեհափառ Հայրապետը Հայկազուն Սրբազանի եւ Թեմական խորհրդի ատենապետ տիար Սարգիս Տեր-Պետրոսյանի հետ միասին կատարեց առաջնորդարանի հուշաքարի բացումը եւ հատեց մուտքի ժապավենը՝ ազդարարելով առաջնորդարանի պաշտոնական բացումը:

Տոնական այս առիթով Նորին Սրբությունն իր օրհնության եւ գնահատանքի խոսքն ուղղեց ներկաներին:

Ն.Ս.Օ.Տ.Տ. ԳԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԽՈՍՔԸ
ԱՎԱՏՐԱԼԻԱՅԻ ԵՎ ՆՈՐ ԶԵԼԱՆԴԻԱՅԻ ՀԱՅՈՑ ԹԵՄԻ ԱՌԱՋՆՈՐԴԱՐԱՆԻ
ԲԱՅՍԱՆ ԱՌԻԹՈՎ

(3 փետրվարի, 2019 թ.)

Սիրելի՛ Սրբազան,

Գերաշնորհ, հոգեշնորհ, արժանապատիվ հայրեր,

Պատվարժան պետական պաշտոնյաներ,

Սիրելի՛ հավատավոր ժողովուրդ մեր եկեղեցու,

Անհուն ուրախությամբ եւ հոգու բերկրանքով ողջունում ենք ձեզ: Տոնական օր է բոլորիս համար: Իր դռներն է բացում ավստրալահայ համայնքի նորակառույց Առաջնորդարանը, որպեսզի ծառայի այս օրհնյալ երկրում մեր ժողովրդի հոգետուր եւ ազգային կյանքի պայծառությամբ:

Նորաշեն, մեծ ու գեղեցիկ այս շենքի կառուցումը մի նոր վկայություն է ավստրալաբնակ մեր ժողովրդի հավատքի եւ եկեղեցասիրության եւ ազգային կյանքի հանդեպ նախանձախնդրության: Այդ ոգին է շենացրել այստեղ հայկական կյանքը: Այդ ոգին միավորել է ձեր ծնողներին ու պապերին եկեղեցիներ կառուցելու, դպրոց ունենալու, ազգային կառույցներ ստեղծելու՝ պահպանելու համար ազգային ինքնությունը եւ հավատքի կյանքը, որն ունի Քրիստոսի շնորհը հավիտենություն:

Տիրոջ օրհնությամբ նոր Առաջնորդարանը ծառայելու է Ավստրալիայում մեր եկեղեցու առաքելության արդյունավորմանը, հայ համայնքի զորացմանը, որպես ազգի տուն՝ համախմբելով այս մեծ երկրում ապրող մեր ժողովրդի զավակներին: Բոլորիս տեսիլքն է, որ այս նորաշուք հարկի ներքո հատկապես երիտասարդ հայորդիները առնչվեն իրենց արմատներին եւ առավել ներգրավվեն հոգետուր եւ ազգային կյանքում: Առաջնորդարանը՝ ինչպես ազգային կյանքի ամեն ձեռքբերում, նաեւ բարի գործերի նախանձախնդրության օրինակն է փոխանցելու հաջորդ սերունդներին՝ շարունակելու ավստրալահայ համայնքի հավատքի կյանքը, բարեպաշտ ընթացքն ու ավանդները:

Ձեր բարեպաշտությունը, սիրելիներ՛, նաեւ հիմքն է այս մեծ ու բազմազգ երկրում ձեր հաջողությունների եւ ձեր հանդեպ հարգանքի ու վստահության: Եւ Մենք անսահման ուրախ ենք այս հանդիսությանը մասնակից տեսնել իշխանության ներկայացուցիչներին, բույր եկեղեցիների առաջնորդներին եւ հավատակից մեր եղբայրներին ու քույրերին, որոնց Մեր օրհնությամբ բերելով, փոխանցում ենք երախտի Մեր խոսքը այն բարի վերաբերմունքի համար, որը մեր ժողովրդի զավակները վայելում են Ավստրալիայում:

Մեր գնահատանքը եւ օրհնությունն ենք բերում այս նորաշուք Առաջնորդարանի բարերարներ Տեր եւ Տիկին Լորիս եւ Սոնա Խանջյաններին եւ իրենց ավանդը Առաջնորդարանի կառուցմանը բերած մեր եկեղեցու նվիրյալ զավակներին՝ Տիրոջից հայցելով նրանց փառաբանություն, արեւշատ կյանք եւ ազգաշահ նոր ձեռնարկներ: Այսօր սրտի գոհունակությամբ Տեր եւ Տիկին Խանջյաններին հանձնեցինք «Սուրբ Գրիգոր Լուսավորիչ» բարձրագույն պարգևը Առաքելական մեր Սուրբ եկեղեցու: Մենք վստահ ենք, որ այս պարգևը խրախույս պիտի լինի համայնքի մեր մյուս անդամների համար՝ իրենց նվիրյալ ծառայությունը եւ իրենց աշխատանքի արդար վաստակը միախառնելու համայնքի ազգային կյանքին:

Առաջնորդարանի բացման այս հիշարժան օրը Հայրապետական սիրով Մեր գնահատանքն ենք բերում Ձեզ, սիրելի՛ Սրբազան, եւ եւ այս առիթով շնորհում ենք Ձեզ Արքիդքան պատիվ: Մեր գնահատանքն ենք բերում Ձեզ աշակից բարեջան հոգեւորականներին, որ անխոնջ խնամում եւ հսկում են մեր ժողովրդի հոգեւոր կյանքը: Մեր օրհնությունը՝ եկեղեցական վարչականներին եւ Ավստրալիայում ապրող համայն հավատավոր մեր ժողովրդին:

Սիրելիներ, Մեր պատգամն ենք բերում հավատքի անսասանության, միմյանց հանդեպ սիրո եւ միասնականության, որով պիտի շարունակեք շենացնել ձեր կյանքը, իրագործել ձեր ազգաշահ գործերը: Առ Աստված Մեր հայցն ու մաղթանքն է, որ այս Առաջնորդարանը արդյունավորությամբ ծառայի ավստրալահայ մեր ժողովրդի հոգեւոր եւ ազգային զարթոնքին՝ իրենց կյանքում վայելելու Աստծու օրհնությունն ու շնորհները:

Այս առիթով Մենք ուրախությունն ունենք նաեւ սրբանկար ընծայաբերելու Առաջնորդարանին: Աստվածամոր պատկերն է: Հայաստանի անվանի նկարիչներից Անատոլի Ավետյանի գործն է: Մեր աղոթքն է, որ Աստվածամոր բարեխոսությունը միշտ լինի ավստրալահայ մեր զավակների հետ: Եւ նրա հովանին պահի ու պաշտպանի մեր զավակներին մշտական օրհնության ներքո Բարձրյալ մեր Տիրոջ:

Աղոթում ենք աշխարհի խաղաղության, Ավստրալիայի եւ մեր մայր հայրենիքի խաղաղ ու բարօր կյանքի համար: Թող Տերը պահպանի համայն մեր ժողովրդին անփորձանք ու անվտանգ, մեկ ու միասնական՝ մեր Սուրբ եկեղեցիով ու Սուրբ Էջմիածնով եւ նվիրական մեր հայրենիքով:

Թող Տիրոջ ողորմությունն ու շնորհները լինեն մեզ հետ եւ բոլորի. այսօր եւ հավիտյան. ամեն:

* * *

Նույն օրվա երեկոյան Ն.Ս.Օ.Տ.Տ. Գարեգին Բ. Ծայրագույն Պատրիարք եւ Ամենայն Հայոց Կաթողիկոսի Ավստրալիա կատարած հովվապետական այցի շրջանակներում Ավստրալիայի եւ Նոր Զելանդիայի հայոց թեմի թեմական խորհրդի կողմից տրվեց պաշտոնական ճաշկերույթի պատիվ Ամենայն Հայոց Հայրապետի: Ճաշկերույթին ներկա էին հայ համայնքի երեք հարյուրից ավելի անդամներ, բարերարներ, հայկական կազմակերպությունների ներկայացուցիչներ, թեմի հոգեւոր սպասավորներ, Քույր Եկեղեցիների ներկայացուցիչներ: Հանդիսավարն էր թեմական խորհրդի փոխատենապետ դոկտ. Ստեփան Գրքաշարյանը:

Երեկոյին գեղարվեստական կատարումներով հանդես եկան համայնքի պարախմբերը, նվագախմբերը, երգչախմբերն ու տաղանդավոր ասմունքողները՝ մեծ ոգեւորություն ու ցնծություն պարգեւելով ներկաներին:

Հանդիսության ընթացքում Ամենայն Հայոց Կաթողիկոսը օրհնության գրեթե շնորհեց նորակառույց առաջնորդարանի մի շարք բարերարների, այդ թվում նաեւ տիար Արմեն Բաղդասարյանին՝ եկեղեցուն եւ առաջնորդարանին մատուցած իր երկարամյա ծառայության համար: Երեկոյթն ամփոփվեց Նորին Սրբություն Գարեգին Բ. Վեհափառ Հայրապետի օրհնության պատգամով:

Ն.Ս.Օ.Տ.Տ. ԳԱՐԵԳԻՆ Բ. ԱՍԵՆԱՅՆ ՎՅՈՅ ԿԱԹՈՂԻԿՈՍԻ ԽՈՍՔԸ
ԱՎԱՏՐԱԼԻԱՅԻ ԵՎ ՆՈՐ ԶԵԼԱՆԴԻԱՅԻ ՎՅՈՅ ԹԵՄ
ՉՈՎԱՄՊԵՏԱԿԱՆ ԱՅՑԻ ԱՌԹՈՎ
ՍԻՂՆԵՅՈՒՄ ԿԱԶՄԱԿԵՐՊԱԿՑ ՃԱՇԿԵՐՈՒՅԹԻ ԸՆԹԱՅՔՈՒՄ

(3 փետրվարի, 2019 թ.)

Սիրելի՛ Սրբազան,

Ի Քրիստոս հոգեւոր եղբայրներ,

Պատվարժան պետական այրեր,

Սիրելի՛ հավատավոր զավակներ մեր Եկեղեցու,

Բարեպատեն առիթն ունենմ սեղանի շուրջ համախմբված՝ վերստին միմյանց հետ կիսելու մեր հանդիպման ուրախությունը: Գոհություն ենք մատուցում Աստծուն, որ փառալերությամբ լեցուն, պայծառ պահեր ապրեցինք ձեզ հետ միասին: Մեր աղոթքները միավորեցինք աշխարհի խաղաղության,

Քրիստոսի Սուրբ Եկեղեցու անսասանության եւ մարդկության կյանքում Տիրոջ շնորհների առատության համար: Զգացիմք մեր ժողովրդի սերը Առաքելական մեր Եկեղեցու, Մայր Աթոռ Սուրբ Էջմիածնի ու մայր հայրենիքի հանդեպ եւ ուրախացանք հատկապես՝ Հայաստանից այսֆան հեռու մեր երեխաների շուրթերից լսելով մայրենի բարբառը:

Հայրապետիս համար հոգու խնդությունն է, սիրելի՛ հավատավոր զավակներ Մեր, տեսնել ձեր եկեղեցանվեր ու ազգաշահ գործերը, որոնք շենացնում են համայնֆային կյանքը, ինչպես նաեւ՝ ունկնդիր լինել Ավստրալիայում ապրող մեր ժողովրդի հանդեպ հարգանքի ու գնահատանքի խոսքերին, որոնց արժանանում եմ այս օրհնյալ երկրում ձեր հավատավոր կյանքով եւ ձեր գործունեությամբ ու վաստակով: Արդարեւ, հայկական համայնքների մեջ Ավստրալիայի համայնքը ամենաերիտասարդներից է, սակայն ունի ամուր արմատներ եւ ավանդներ, որոնք ձեր՝ եկեղեցական, ազգային մարմինների, բարերարների նախանձախնդրությամբ ու բարի հավատով շարունակվում են ու զորանում: Այստեղ նույնպես հեշտ չի սկսվել ձեր հայրերի ու պապերի կյանքը, հեշտ չի ստեղծվել հայկական համայնքը, սակայն առաքյալի խոսքի համաձայն՝ տկարությամբ սերմանվածը հառնել է զորությամբ (Ա. Կորնթ. ԺԵ. 43):

Մեր ժողովրդի հաջողությունները պայմանավորվել են նաեւ Ավստրալիայի իշխանությունների բարեհաճ վերաբերմունքով: Մենք ուրախ ենք, որ այստեղ ներկա պետական այրերին կարող ենք կրկին ուղղել երախտագիտության Մեր խոսքը՝ մեր ժողովրդի հանդեպ դրսևորած վերաբերմունքի եւ աջակցության համար: Մեր գոհունակությունն ենք հայտնում նաեւ Ավստրալիայում առաքելություն իրականացնող Բուրբ Եկեղեցիներին՝ եղբայրական սիրո եւ գործակցության համար, որի դրսևորումն էր նաեւ անցած տարի Ավստրալիայի Բրիստոնեական Եկեղեցիների պատվիրակության այցը Մայր Աթոռ Սուրբ Էջմիածին:

Մայր Աթոռը, սիրելի՛ զավակներ Մեր, առ Տերն ապավիճությամբ իրականացնում է իր առաքելությունը՝ ի սեր հայրենիքում եւ սփյուռքում մեր հոգեւոր եւ ազգային կյանքի զորացման: Առաջնային են մնում եկեղեցականների պատրաստությունը, նոր եկեղեցիների կառուցումն եւ հնագույն մեր սրբատեղիների նորոգումը: Հոգեւոր խոսքը մատուցվում է նաեւ հեռուստաէթերով, ռադիոհաղորդումներով, գրականության հրատարակմամբ: Քարոզչություն եւ հոգեւոր սպասավորություն է իրականացվում նաեւ մեր բանակում, սոցիալական կառույցներում, իրագործվում են կրթական նախաձեռնություններ, աջակցության ծրագրեր՝ օգնելու կարիքավորներին, ծնողազուրկ երեխաներին:

Ինչպես գիտեմ, այս տարի Մենմ հոշակեցին ընտանիքի տարի եւ այդ շրջագծում նախաձեռնեցին կարիքավոր ընտանիքներին բնակարաններով ապահովելու աշխատանք: Այս առիթով Մենմ կուզենմ Մեր գնահատանքը բերել Սիդնեյի մեր հավատավոր զավակներին եւ եկեղեցական վարչությանը, ովքեր հանձն առան օժանդակել չորս ընտանիքների՝ ունենալու իրենց բնակարանները:

Ձեռքբերումները, որ իրագործվում են նաեւ սփյուռքի հայորդյաց սատարումով եւ աջակցությամբ, առավել լավատեսական են դարձնում Մայր Աթոռի գործունեությունը: Սփյուռքի թեմերում մեր առջեւ ծառացած կարեւոր հրամայականներ են ծուխերի ամրապնդումը, մեր եկեղեցու կանոնական հիմքերի վրա եկեղեցական կյանքի կազմակերպումը, տարբեր պատճառներով տեղաշարժերի արդյունքում ծնունդ առնող ազգապահպան խնդիրների դիմագրավումը, մեր ժողովրդի զավակների ներգրավումը եկեղեցական համայնային կյանքում:

Այսօր, սիրելիներ, հայրենիքում եւ սփյուռքում մեր ժողովուրդն ապրում է բարի սպասումներով, որ կապված են Հայաստանում ընթացող բարեփոխումների, մեր երկրի զարգացման ու առաջընթացի հույսերի հետ: Հայաստանի զարգացումը կենսական կարեւորություն ունի շրջափակման մեջ ապրող հայրենաբնակ մեր ժողովրդի համար, նաեւ Արցախի ապահովության, մեր բանակի հզորության, մեր սահմանների պաշտպանության համար: Հզոր հայրենիքը ազգային մեր կյանքի ապավենն է, մեր իղծերի իրագործման գրավականը:

Մեր հորդորն է ձեզ, սիրելի՛ բարեպաշտ զավակներ, որ զորանաք հավատով եւ ձեր զավակներին կրթեք հավատով, սնուցեք ազգի հանդեպ սիրով, որն ունեք ձեր հոգում եւ վկայում եք բազում գործերով: Այս առումով պատասխանատվությունը մեծ է սփյուռքում, որտեղ կարեւոր մտահոգություն է դառնում հատկապես նոր սերնդի ազգային ինքնության պահպանումը, որը առավելաբար է կրում միջավայրի ազդեցությունը: Ձեր երեխաներին պիտի ուսուցանեք մայրենի լեզուն, ազգային ավանդները, կրթեք եկեղեցասիրությամբ, մայր հայրենիքի սիրով, որպեսզի հետո նույն նախանձախնդրությամբ մասնակցեն եկեղեցական, համայնային ու ազգային մեր կյանքին: Դուք, ձեր որդիները, որտեղ էլ ապրեք՝ մնացեք հավատարիմ մեր սրբազան արժեքներին, որդիական ջերմ սիրով ու հավատարմությամբ լեցուն հանդեպ Առաքելական մեր Սուրբ եկեղեցին: Նրա լույսը եղեք միշտ եւ զորացեք՝ ձեր հայացքը պահելով դեպի Սուրբ Էջմիածին եւ մայր հայրենիք, որոնցով միավորված մնալով մեր ժողովուրդը պիտի տեսնի իր ջանքերի արդյունավորումը, իր նպատակների իրագործումը, իր բարի գալիքը:

Վերստին գոհունակ սրտով Մեր գնահատանքն ենք բերում Ավստրալիայի եւ Նոր Զելանդիայի Հայոց Թեմի բարեջան Առաջնորդ Գերաշնորհ Տ. Հայկազուն եպիսկոպոս Նաջարյանին, Սիդնեյի եկեղեցու հոգեւոր սպասավորներին, Թեմական խորհրդի, եկեղեցական վարչության բարեջան անդամներին, մեր եկեղեցու բարերար զավակներին, ձեզ բոլորիդ, սիրելի՛ հայորդիներ, որ պահպանում եւ գորացնում եք համայնֆային կյանքը: Թող Տերն օրհնի ձեզ եւ ձեր ընտանիքները:

Մեր գնահատանքն ենք հայտնում Մեր այցը այնքան խնամով կազմակերպած հանձնախմբերին եւ անձանց, իրենց ազնիվ ներդրումի համար: Մեր գնահատանքը այս հյուրասիրության բարերարին եւ իր ազնիվ տիկնոջը, որին եւ դոմբ բոլորդ ճանաչում եք: Մենք փառք ենք տալիս Աստծուն, որ այսպիսի ազնվահոգի հայորդիներ ունենք, ովքեր իրենց աշխատանքի վաստակը միախառնում են հայ կյանքին եւ նոր հնարավորություններ ստեղծում ազգային մեր կյանքի առաջընթացի համար: Մեր գնահատանքն ենք բերում արվեստի մեր սիրելի՛ մշակներին, որ գեղեցկացրեցին այս երեկոն իրենց բարձր կատարողական մատուցումներով: Թող Տերը առատացնի ձեր կյանքում շնորհները, սիրելիներ:

Աղոթում ենք, որ Տերը իր շնորհի ներքո պահի ազգս հայոց եւ օրհնի մեր ժողովրդի ջանքերը՝ հանուն մեր Սուրբ եկեղեցու, մեր նվիրական հայրենիքի, մեր ներկայի ու գալիքի: Թող Տերը օրհնի Ավստրալիան եւ պահպանի բարօրության ու առաջընթացի մեջ:

Փ Ե Տ Ր Վ Ա Ր Ի 4. Փետրվարի 4-ին Ավստրալիայի Նյու Սաութ Ուելսի նահանգային խորհրդարանում տեղի ունեցավ պաշտոնական ընդունելություն Ն.Ս.Օ.Տ.Տ. Գարեգին Բ. Ծայրագույն Պատրիարք եւ Ամենայն Հայոց Կաթողիկոսի Ավստրալիա կատարած հովվապետական այցի առիթով:

Ամենայն Հայոց Կաթողիկոսին խորհրդարանում դիմավորեց նահանգապետուհի Գլադիս Բերեջիկյանը:

Ընդունելության ընթացքում Վեհափառ Հայրապետին բարիգալստյան խոսքով ողջունեցին տիկին նահանգապետուհին եւ նահանգային խորհրդարանի պետարանի նախագահ տիար Զոն Աջալան:

Իր ողջունի խոսքի մեջ նահանգապետուհին նշեց, որ Վեհափառ Հայրապետին ընդունում է երկու հանգամանքով, որպես պետական բարձրաստիճան պատասխանատու՝ նահանգապետուհի, եւ որպես հպարտ ու հարազատ զավակ Հայաստանյայց Առաքելական եկեղեցու:

Այնուհետև ընդունելության մասնակիցներին, նաև տարբեր Եկեղեցիների ու հայկական կազմակերպությունների ներկայացուցիչներին սրտագին բարեմաղթանքներով ողջունեց Ամենայն Հայոց Կաթողիկոսը՝ շնորհակալություն հայտնելով հանդիպման բարեպատեհ հնարավորության համար:

**Ն.Ս.Օ.Տ.Տ. ՊԱՐԵԳԻՆ Բ. ԱՄԵՆԱՅՆ ՅԱՅՈՅ ԿԱԹՈՂԻԿՈՍԻ ԽՈՍՔԸ
ՆԱՅԱՆՊԱՅԻՆ ԽՈՐՎՐԴԱՐԱՆՈՒՄ ՆԱՅԱՆՊԱՊԵՏՈՒՅՈՒ ԿՈՂՄԻՅ
ՏՐՎԱԾ ՃԱՇԻՆ**

(4 փետրվարի, 2019 թ.)

Նյու Սաութ Ուելս նահանգի վարչապետ մեծազնիվ տիկին
Դլադիս Բերեջիկյան,
Հարգարժան պետական այրեր,
Պատվարժան հոգեւոր հայրեր,
Սիրելի՛ ներկաներ,

Սրտագին բարեմաղթանքներով ողջունում եմք ձեզ եւ Մեր շնորհակալությունը հայտնում այս հանդիպման բարեպատեհ հնարավորության եւ նաշի սեղանի շուրջ ջերմ մթնոլորտում համախմբման համար: Մեծ գոհունակություն է Հայոց Հայրապետիս համար այս մտերմիկ միջավայրում եւս հանդիպելու Ձեզ, մեծազնիվ տիկին Դլադիս, հանդիպելու հարգարժան ֆաղափական գործիչներիդ եւ բարձրաստիճան հոգեւորականներիդ: Ձեր միասնական ներկայությունը այս հանդիպմանը գեղեցիկ վկայություն է հայ ժողովրդի, Հայ Եկեղեցու հանդեպ հարգանքի եւ բարեկամության:

Աստծու կամոք Մենք վերստին առիթն ունեցանք այցելելու Ավստրալիայի եւ Նոր Զելանդիայի Հայոց թեմի Մեր սիրելի՛ ժողովրդին՝ բերելու նրանց Մայր հայրենիքի, Սուրբ Էջմիածնի լույսն ու օրհնությունը, հայրական Մեր սերը եւ ֆաջալերանք՝ հոգեւոր միասնության, փրստոնեական արժեքներին հավատարմության մեջ շարունակելու իրենց ազգային-եկեղեցական կյանքի առաջընթացը:

Մենք եկել եմք նաև Հայ Եկեղեցու եւ Մեր ժողովրդի երախտագիտությունը հայտնելու Ավստրալիո կառավարությանը, նահանգային, ֆաղափային բարեսեր իշխանություններին, որ բարյացակամությամբ աջակցում են հայ համայնքին այս գեղատեսիլ մայրցամաքում կազմակերպելու ու զորացնելու հայոց ազգային-եկեղեցական կյանքը: Ավստրալաբնակ հայորդիները,

ի գնահատումն իրենց հանդեպ դրսևորված բարեկամական ու սիրառատ վերաբերմունքի, իրենց ձեռքբերումներն ու հաջողությունները ծառայեցնում են հյուրընկալ այս պետության բարգավաճմանը, հասարակական կյանքի զարգացմանը, մշակույթին ու գիտությանը: Այսպիսի հիմնալի օրինակ է Նյու Սաութ Ուելս նահանգի վարչապետի բարձր պաշտոնը ստանձնած մեծագնիվ տիկին Գլադիս Բերեջիկյանի գովարժան եւ արդյունավոր գործունեությունը, ով մեր ժողովրդի դուստրը եւ մեր Սուրբ Եկեղեցու հարազատ զավակը լինելով՝ իր կարեւոր գործունեությամբ տարիներ շարունակ մեծ ներդրում է բերում Ավստրալիայի ֆաղափական եւ հասարակական կյանքի առաջընթացին: Մենք մեծ ուրախությամբ տիկին Գլադիս Բերեջիկյանին հանդիպել ենք հայրենի մեր երկրում՝ զգալով նրա հավատքի ու աստվածսիրության ջերմությունը, ազգասիրությունն ու հայրենասիրությունը: Հպարտ ենք, որ մեր ժողովուրդն ունի այսպիսի օրհնյալ զավակներ, ովքեր իրենց կյանքով ու գործով հավելում են պատիվն ու հեղինակությունը մեր ժողովրդի:

Մեզ համար, սիրելիներ, որպես Հայ Եկեղեցու հոգեւոր պետի եւ առաջին սպասավորի, հոգու բերկրանք է տեսնել այն սերն ու հարգանքը, որ մեր ժողովրդի զավակները՝ իբրեւ արժանավոր եւ օրինապահ ֆաղափացիներ, վայելում են Ավստրալիայում: Մենք ուրախ ենք, որ այստեղ նաեւ փոքր Եկեղեցիների ներկայացուցիչները արդյունավոր գործակցության ու փոխհարաբերությունների մեջ են Ավստրալիայի եւ Նոր Զելանդիայի Հայոց թեմի, հայ համայնքի հետ՝ իրենց նպաստը բերելով Քրիստոսի Եկեղեցուն սիրո եւ համերաշխության ոգու զորացման, Տիրոջ Ավետարանի փարոզչության ու տարածման կարեւոր գործում:

Սիրելիներ, Մենք եւ Մեզ ուղեկցող շխաւմբի անդամները եկել ենք Հայաստան աշխարհից, ուր փրստոնեւթյան լույսը տարածվել է Սուրբ Թադէոս եւ Սուրբ Բարդուղիմէոս առաքյալների փարոզչությամբ: 301 թ. Հայաստանը դարձավ առաջին երկիրը աշխարհում, որտեղ փրստոնեւթյունը հռչակվեց որպես պետական կրոն: Դարերի ընթացքում մեր ժողովուրդը փրստոնեւթական իր հավատքով ստեղծեց բարձր մշակույթ, գիր ու դպրոթյուն, հաղթահարեց բազում փորձություններ ու ավերներ, վերապրեց Օսմանյան կայսրության կողմից իրականացված ցեղասպանությունը եւ այսօր իր նոր կյանքի հաղթանակներն ու հաջողություններն է կերտում: Կինելով վերստին անկախացյալ երիտասարդ պետություն, դիմագրավելով արդի ժամանակի մարտահրավերներն ու խնդիրները, Թուրքիայի եւ Ադրբեջանի կողմից շրջափակումը, Հայաստանի ու Արցախի սահմաններում պատերազմական իրավիճակը՝ Հայաստանն իր հաստատուն ֆայլերն է կատարում՝ որպես ազատ, ժողովրդավար եւ իր

հարեւանների հետ խաղաղության ու համերաշխության ձգտող պետություն: Հայ ժողովրդի առջեւ կանգնած է նաեւ Արցախի Հանրապետության միջազգային նանաշման եւ արցախահայության ազատ ու անկախ կյանքի արդար իրավունքի հաստատման կարեւորագույն խնդիրը: Արցախի պետությունը պատմական Հայաստանի մաս եւ հայոց հող լինելով՝ Խորհրդային իշխանությունների կողմից բռնակցվել էր Ադրբեջանին, սակայն ինքնորոշման արդար սկզբունքով Արցախը հաստատեց իր անկախությունը եւ այսօր պայքարում է ազատ ապրելու իր իրավունքը պաշտպանելու համար: Մեր ժողովրդի մեծ մասը Հայոց ցեղասպանությունից հետո սփռվել է աշխարհի շուրս կողմերում, բնակություն հաստատել հյուրընկալ պետություններում, ինչպես որ այստեղ՝ Ավստրալիայում, շարունակելով երկրորդ հայրենիք դարձած այս երկրում ազգային ու հոգեւոր իր կյանքը: Այստեղ հայորդիների աշխույժ գործունեությունը նաեւ մեծ ու կարեւոր նպաստ է Հայաստանի եւ Ավստրալիայի փոխհարաբերությունների եւ փոխգործակցության ամրապնդմանը: Մեր երկրների բարեկամությունն ու համագործակցությունը, հիրավի, առավել կարդյունավորվի դիվանագիտական առաքելությունների գործունեությամբ: Լիաճույս ենք, որ Հայաստանի Հանրապետության եւ Ավստրալական Միության պատկան մարմինները առաջիկայում համապատասխան փայլեր կնախաձեռնեն մեր պետությունների միջեւ դիվանագիտական կապերի հաստատման համար: Մենք Մեր Հովվապետական այցի ընթացքում հորդորել եւ շարունակելու ենք ֆաջալերել Մեր զավակներին, որպեսզի նրանք նույն ոգով շարունակեն իրենց բարի ներդրումը բերել Ավստրալիայի շինությանն ու զարգացմանը՝ մնալով օրինակելի, նվիրյալ ֆաղափացիները օրհնյալ այս երկրի:

Սիրելիներ, Մեր գնահատանքն ենք վերստին հայտնում այս հանդիպման նախաձեռնության ու կազմակերպման եւ ձեր մասնակցության համար: Ի սրտե մաղթում ենք ձեզ բոլորիդ նորանոր հաջողություններ ու ձեռքբերումներ պատասխանատու ձեր առաքելության մեջ:

Աղոթում ենք, որ Տերը երկար տարիների արեւշատություն պարգևի ձեզ ամենհիդ, եւ Իր երկնառաք շնորհները բաշխի Ավստրալիային, այստեղ բնակվող ժողովրդին՝ պահելով սիրո, խաղաղության եւ համերաշխության մեջ:

* * *

Նույն օրը Ն.Ա.Օ.Տ.Տ. Գարեգին Բ. Ծայրագույն Պատրիարք եւ Ամենայն Հայոց Կաթողիկոսը շքախմբի ուղեկցությամբ այցելեց Սիդնեյի Սուրբ Աստվածածին կաթողիկ Մայր Տաճար: Այս տաճարում Հայոց Ցեղասպանության 100-ամյակի առիթով Սուրբ Պատարագ մատուցեց

Գերաշնորհ Տ. Հայկազուն եպս. Նաջարյանը՝ ներկայությամբ շուրջ 2000 հավատացյալների եւ հանդիսապետությամբ Սիրիայի Կաթոլիկ թեմի առաջնորդ Բարձրաշնորհ Տեր Էնթոնի արքեպիսկոպոս Ֆիշըրի:

Առաջնորդարանում Վեհափառ Հայրապետին ողջունեցին Մայր Տաճարի լուսարարապետ Հայր Դոն Րիչըրդսոնը եւ օգնական եպիսկոպոս Րիչըրդ Ամբըրգը:

Կատարվեց շրջապտույտ, Հայոց Հայրապետին ներկայացվեց ազգային ժառանգություն նկատվող տաճարի երկհարկուրամյա պատմությունը:

Շրջապտույտի ընթացքում Ամենայն Հայոց Հայրապետն աղոթք բարձրացրեց տաճարի մուտքին 2018 թվականի դեկտեմբերի 18-ին հայոց մեծ բարեկամ Բարձրաշնորհ Տեր Էնթոնի արք. Ֆիշըրի ջանքերով եւ տեր եւ տիկին Ստեփան եւ Հիլդա Գրքաշարյանների նվիրատվությամբ զետեղված հայկական խաչքարի առջեւ՝ նվիրված Հայոց Ցեղասպանության հիշատակին:

Այցի առիթով Ամենայն Հայոց Կաթողիկոսը հարցազրույց տվեց Սիրիայի Կաթոլիկ առաջնորդարանի «Catholic Weekly» թերթին: Այնուհետեւ հայրապետական շքախմբի անդամների, թեմական եւ ծխական մարմինների անդամների եւ ազգային բարերարներ տեր եւ տիկին Հայկ եւ Էլզա Դիրիզյանների ներկայությամբ տեղի ունեցավ նվերների փոխանակում: Լուսարարապետին ընծայվեց Սուրբ Էջմիածնի եւ Արարատի մանրակար, իսկ օգնական եպիսկոպոսին՝ Սուրբ Ծննդյան պատկեր:

ՓԵՏՐՎԱՐԻ 5. Ավստրալիայում հովվապետական այցով գտնվող Ն.Ս.Օ.Տ.Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսը փետրվարի 5-ին այցելեց Համազգայինի Արշակ եւ Սոֆի Գոլստըն Ճեմարան՝ ուղեկցությամբ իր շքախմբի եւ Ավստրալիայի եւ Նոր Զելանդիայի հայոց թեմի առաջնորդ Գերաշնորհ Տեր Հայկազուն արքեպիսկոպոս Նաջարյանի:

Կրթական հաստատության առջեւ Հայոց Հորը աղ ու հացով դիմավորեցին ճեմարանի տնօրեն Էդի Դեմիրճյանը, ուսուցչական կազմը եւ շուրջ 350 աշակերտներ: Աղ ու հացի արարողությունից հետո ամենքը մեկտեղվեցին ճեմարանի դահլիճում:

Ճեմարանի տնօրենի ողջույնի խոսքից հետո աշակերտները ներկայացան գեղարվեստական հայտագրով՝ մեծ գոհունակություն եւ ուրախություն պարգևելով Ամենայն Հայոց Հայրապետին: Հայտագրի

ավարտին Նորին Սրբությանը՝ իր հայրական օրհնությունը բաշխեց աշակերտներին եւ բոլոր աշակերտներին ընծայեց Սուրբ Էջմիածնից բերված խաչիկներ: Ճեմարանին ի հիշատակ փոխանցվեց Սրբոց Նահատակաց մանրապատկեր:

Ճեմարան այցից հետո Վեհափառ Հայրապետը այցելեց Մաքքուարի Փարք գերեզմանատան հայկական բաժինը, որտեղ հարգանքի տուրք մատուցեց Ավստրալիայի եւ Նոր Զելանդիայի հայոց թեմի երջանկահիշատակ առաջնորդ Տ. Աղան արք. Պալիոզյանի շիրիմին եւ աղոթք բարձրացրեց նրա հոգու հանգստության համար:

ՓԵՏՐՎԱՐ 6. Ավստրալիայում հովվապետական այցով գտնվող Ն.Ս.Օ.Տ.Տ. Գարեգին Բ. Ծայրագույն Պատրիարք եւ Ամենայն Հայոց Կաթողիկոսը փետրվարի 6-ին այցելեց ՀԲԸՄ «Ալեքսանդր» վարժարան՝ ուղեկցությամբ իր շքախմբի, Ավստրալիայի եւ Նոր Զելանդիայի հայոց թեմի առաջնորդ Գերաշնորհ Տեր Հայկազուն արքեպիսկոպոս Նաջարյանի եւ թեմի եկեղեցականներին:

Վարժարանի առջեւ Նորին Սրբությանը դիմավորեցին կրթօջախի հիսուն սաները, ՀԲԸՄ Սիդնեյի մասնաճյուղի ատենապետ տիար Միհրան Լեփեճյանը, հոգաբարձական կազմը՝ ղեկավարությամբ ատենապետուհի տիկին Սոսի Կիրակոսյանի, տնօրեն Մանուկ Դեմիրճյանը, ուսուցիչները եւ ծնողները: Աղ ու հացի օրհնությունից հետո վարժարանի դահլիճում տեղի ունեցավ բարիգալստյան հանդիսություն: Հնչեցին Ավստրալիայի եւ Հայաստանի օրհներգերը, ապա Վեհափառ Հորը բարի գալուստ մաղթեցին պարոն Սարգիս Մանուկյանը եւ աշակերտներից Սամսոն Բանիքյանը:

Վարժարանի տնօրեն Մանուկ Դեմիրճյանը իր խոսքի մեջ ներկայացրեց վարժարանի առաքելությունը, անցած պատմական ուղին՝ լուսանկարների ցուցադրությամբ ընդհանուր գծերով իրար հետ առնչելով Վեհափառի առաջին այցելությունը եւ վարժարանի կապը հայրենիքի եւ մանավանդ Ս. Էջմիածնի հետ, ընդգծելով կրոնաբարոյական դաստիարակությունը, որ կրթականի եւ ազգայինի հետ մեկտեղ կատարվում է ամենայն բժախնդրությամբ:

Այնուհետեւ վարժարանի աշակերտները հանդես եկան գեղարվեստական հայտագրով՝ իրենց երգերով եւ արտասանություններով զարմանք պատճառելով Վեհափառ Հայրապետին, հոգեւորականաց դասին եւ ներկաներին:

Այս առիթով իրենց խոսքը մանուկներին ու պատանիներին ուղղեցին Գերաշնորհ Տեր Նաթան արքեպիսկոպոս Հովհաննիսյանը եւ թեմի բարեխնամ առաջնորդ Գերաշնորհ Տեր Հայկազուն արք. Նաջարյանը՝ մասնավորաբար գնահատելով մատղաշ սերնդի ելույթը եւ սրտի անհուն գոհունակությամբ հաստատելով, որ ապագան այս ընթացքով հաստատուն է ու փայլուն եւ հակառակ հեռավորության՝ հայրենիքը՝ ներկա:

Խոսքի ավարտին Հայկազուն Սրբազանը հրավերով Նորին Սրբությունը՝ իր հայրական օրհնությունը բաշխեց վարժարանի աշակերտներին եւ նվերներ փոխանցեց վարժարանին ու տնօրենությանը, իսկ մանուկներին ընծայեց Սուրբ Էջմիածնից բերված խաչիկներ:

Նույն օրը Նորին Սրբություն Գարեգին Բ. Ամենայն Հայոց Կաթողիկոսն այցելեց «Ալեքսանդր» հայկական հանգստյան տուն: Տնօրենության եւ խնամակալ մարմնի ուղեկցությամբ Նորին Սրբությունը շրջապատույտ կատարեց, առանձնաբար իր հայրական օրհնությունները բաշխեց հաստատության մեջ խնամվող տարեցներին: Աղոթքից հետո Վեհափառ Հայրապետը զրուցեց հայորդիների հետ, բարձր գնահատեց խնամակալ խորհրդի հոգատար աշխատանքը, ձեռքբերումները եւ աստվածահաճո գործունեությունը:

Ի հիշատակ իր այցելության Ամենայն Հայոց Կաթողիկոսը հանգստյան տանը նվիրեց Տիրուջ Վերջին ընթրիքի սրբապատկեր:

Փետրվարի 5-ին եւ 6-ին Ն.Ս.Օ.Տ.Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսն Ավստրալիայի եւ Նոր Զելանդիայի հայոց թեմի առաջնորդարանում ընդունեց հայկական կազմակերպությունների ներկայացուցիչներին: Հանդիպմանը ներկա էին Մայր Աթոռի Արտաքին հարաբերությունների եւ արարողակարգի բաժնի տնօրեն Գերաշնորհ Տ. Նաթան արք. Հովհաննիսյանը եւ Ավստրալիայի եւ Նոր Զելանդիայի հայոց թեմի առաջնորդ Գերաշնորհ Տ. Հայկազուն արք. Նաջարյանը:

Վեհափառ Հայրապետին այցելել էին Սոցիալ-դեմոկրատ Հնչակյան կուսակցության Ավստրալիայի վարիչ կազմի, Հայ Հեղափոխական դաշնակցության Ավստրալիայի Կենտրոնական կոմիտեի, Ռամկավար Ազատական կուսակցության Ավստրալիայի վարիչ մարմնի, Համազգային Հայ Կրթական եւ Մշակութային Միության, Հայ Օգնության Միության շրջանային վարչությունների, Ավստրալիայի Հայ Դատի հանձնախմբի, Հայկական Բարեգործական Ընդհանուր Միության Սիդնեյի մասնաճյուղի

վարչության, եկեղեցական վարչության, Ավստրալիայի Հայ Ավետարան-
չական Ընկերակցության վարչության ներկայացուցիչները, Հայ Ավետա-
րանական Եկեղեցու հոգեւոր հովիվը, ինչպես նաեւ Ավստրալիայում Ար-
ցախի մնայուն ներկայացուցիչը:

Հանդիպման ընթացքում հայկական կազմակերպությունների ներ-
կայացուցիչներն իրենց գորակցությունը հայտնեցին Հայաստանյայց
Առաքելական Եկեղեցուն եւ պատրաստակամությունը՝ միասնական ճի-
գերով առաջ տանելու ազգային աշխատանքները:

Ամենայն Հայոց Կաթողիկոսը, ծանոթանալով յուրաքանչյուր կազմա-
կերպության ծավալած գործունեությանը, նրանց փոխանցեց իր հայրա-
կան օրհնությունն եւ հաջողության մաղթանքները:

Փ Ե Տ Ր Վ Ա Ր Ի 8-9. Փետրվարի 8-ի առավոտյան Վեհափառ Հայ-
րապետը թեմի առաջնորդարանում հանդիպեց ավստրալական մամու-
լի ներկայացուցիչների հետ, որի ընթացքում պատասխանեց Հայ Առա-
քելական Եկեղեցուն եւ մասնավորապես Մայր Աթոռ Սուրբ Էջմիածնի
գործունեությանն առնչվող հարցերին, ինչպես նաեւ ներկայացրեց իր
տպավորությունները Ավստրալիայի եւ Նոր Զելանդիայի թեմ կատարած
իր ընթացիկ այցելության վերաբերյալ:

Մամլո ասուլիսից հետո Վեհափառ Հայրապետն իր շքախմբի
եւ թեմի հոգեւոր դասի ներկայությամբ հանդիպում ունեցավ Մերձավոր
Արեւելքի մի շարք եկեղեցիների՝ Ղպտի Ուղղափառ, Ղպտի Կաթոլիկ,
Մեթոդիստ Կաթոլիկ, Մարոնիտ, Ասորի Ուղղափառ Եկեղեցիների տեղա-
կան առաջնորդների հետ: Վերջիններս ջերմ ողջունեցին Վեհափառ Տի-
րոջը եւ իրենց երախտագիտությունը եւ շնորհակալությունը հայտնեցին
նրան՝ 2018 թ. հունիսին Մայր Աթոռ Սուրբ Էջմիածնում իրենց մեկ շա-
բաթ հյուրընկալելու համար:

Հանդիպումից հետո Վեհափառ Հայրապետը իր օրհնությունը բերեց
եւ նվերներ բաշխեց այն անձանց, որոնք գործուն մասնակցություն էին
ունեցել Ավստրալիայի եւ Նոր Զելանդիայի թեմ իր այցելության կազմա-
կերպման գործում:

Այնուհետեւ Ն.Ս.Օ.Տ.Տ. Գարեգին Բ. Մայրագույն Պատրիարք եւ Ամե-
նայն Հայոց Կաթողիկոսը, ուղեկցությամբ Ավստրալիայի եւ Նոր Զելան-
դիայի հայոց թեմի առաջնորդ Գերաշնորհ Տ. Հայկազուն արք. Նաջա-
րյանի եւ իր շքախմբի, Սիդնեյից մեկնեց Ավստրալիայի հայաշատ երկ-
րորդ քաղաք՝ Մելբուռն:

Փետրվարի 9-ի առավոտյան Ամենայն Հայոց Կաթողիկոսն այցելեց Մելբուռնի Սուրբ Աստվածածին հայկական եկեղեցի, որտեղ տեղի ունեցավ «Հրաշափառի» արարողությունը:

Ամենայն Հայոց Կաթողիկոսին մեծ խանդավառությամբ դիմավորեցին այս օրհնյալ առիթով եկեղեցում համախմբված Մելբուռնի հայ համայնքի ներկայացուցիչներ՝ առաջնորդությամբ հոգեւոր հովիվ Արժանապատիվ Տ. Խաչեր քահանա Հարությունյանի եւ եկեղեցու ծխական խորհրդի:

Աղ ու հացի արարողությունից հետո Վեհափառ Հայրապետը, օրհնելով ժողովրդին, թափորով, «Հրաշափառի» ներքո առաջնորդվեց եկեղեցի, ուր կատարվեց համատեղ աղոթք:

Այնուհետեւ ներկա հավատավոր ժողովրդի անունից Ամենայն Հայոց Կաթողիկոսի հովվապետական այցը Ավստրալիայի եւ Նոր Զելանդիայի հայոց թեմ եւ, մասնավորաբար, Մելբուռն ողջունեց Հայկազուն Սրբազանը՝ ընդգծելով Հայոց Հոր այցերի կարեւոր նշանակությունը հայ համայնքի համար եւ հրավիրելով Նորին Սրբությանն իր օրհնությունն ու պատգամը բերելու բարեպաշտ ժողովրդին:

Հայրապետական «Պահպանիչ» աղոթքից հետո ժողովուրդը հնարավորություն ստացավ համբուրելու Վեհափառ Հոր Աջը եւ նրանից ստանալու նվեր խաչիկներ իբրեւ օրհնություն Ս. Էջմիածնի:

«Հրաշափառի» արարողության ավարտին, եկեղեցու կից սրահում Ամենայն Հայոց Կաթողիկոսը հանդիպում ունեցավ «Ակինյան» եւ Համագգայինի «Մեսրոպ Մաշտոց» մեկօրյա վարժարանների աշակերտների հետ:

Երկու կրթօջախների տնօրենների բարիգալստյան ջերմ խոսքերից հետո աշակերտները հանդես եկան փոքրիկ գեղարվեստական հայտագրով:

Այնուհետեւ մանուկներին իր հայրական օրհնությունը բերեց Ամենայն Հայոց Կաթողիկոսը՝ պատգամելով լինել մեր սուրբ նախնյաց արժանավոր ժառանգները, իրենց բարեջան եւ ուշիմ ուսումնառությամբ դառնալ ազգի նվիրյալ զավակներ՝ կերտելու հայոց բարօր ու պայծառ կյանքը:

Նորին Սրբությունը նաեւ իր օրհնությունը բերեց վարժարանների տնօրեն կազմին եւ մանկավարժներին՝ բարձրորեն գնահատելով մատաղ սերնդի հայեցի դաստիարակության գործում իրենց կողմից ներդրվող անդուլ ջանքերը, հանձնառությունն եւ նվիրումը:

Նույն օրը Եկեղեցու սրահում պաշտոնական հանդիպում տեղի ունեցավ Մելբուռնի հայկական կազմակերպությունների ներկայացուցիչներ

























րի եւ եկեղեցու հովանու ներքո գործող մարմինների ներկայացուցիչների հետ:

Փ Ե Տ Ր Վ Ա Ր Ի 10. Փետրվարի 10-ին Ն.Ս.Օ.Տ.Տ. Գարեգին Բ. Ծայրագույն Պատրիարք եւ Ամենայն Հայոց Կաթողիկոսը Սուրբ Պատարագ մատուցեց Ավստրալիայի եւ Նոր Զելանդիայի հայոց թեմի Մելբուռն քաղաքի Սուրբ Աստվածածին եկեղեցում:

Պատարագի սրբազան արարողությունը ներկա էին թեմական խորհրդի եւ ծխական եկեղեցական վարչության անդամներ, Քույր Եկեղեցիների ներկայացուցիչներ, հայկական կազմակերպությունների ղեկավարներ եւ հավատավոր բազում հայորդիներ:

Թափորը, որին մասնակցում էին նաեւ Քույր Եկեղեցիների հոգեւորականներ, ամպհովանիի ներքո Ամենայն Հայոց Կաթողիկոսին առաջնորդվեց դեպի եկեղեցի, ուր ձեռամբ Վեհափառ Հայրապետին մատուցվեց Սուրբ եւ Անմահ Պատարագ:

Սուրբ Պատարագին որպէս առընթերականեր սպասավորում Մայր Աթոռի Արտաքին հարաբերությունների եւ արարողակարգի բաժնի պատասխանատու Գերաշնորհ Տ. Նաթան արք. Հովհաննիսյանը եւ Ավստրալիայի եւ Նոր Զելանդիայի հայոց թեմի առաջնորդ Գերաշնորհ Տ. Հայկազուն արք. Նաջարյանը:

Սուրբ Պատարագի ընթացքում Ամենայն Հայոց Կաթողիկոսը վերստին իր օրհնությունն ու պատգամը բերեց մելբուռնաբնակ հայությանը:

Ն.Ս.Օ.Տ.Տ. ՊԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՔԱՐՈՉԸ ՄԵԼԲՈՒՐՆԻ ՍՈՒՐԲ ԱՍՏՎԱԾԱԾԻՆ ԵԿԵՂԵՑՈՒՄ

(10 փետրվար, 2019 թ.)

«Նա, որ հաստատեց մեզ ի Քրիստոս ձեզ հետ միասին
եւ օծեց մեզ, Աստուած է, որ մեզ կնքեց էլ
եւ Հոգու առհաւատչեան դրեց մեր սրտերի մէջ»
(Բ. Կորնթ. Ա. 21-22):

Սիրելի՛ հավատավոր զավակներ Մեր,
Ուրախ ենք, որ Աստծու կամքով վերստին այցելել ենք ձեզ՝ բերելու Հայրական մեր սերը եւ հայոց հոգեւոր կենտրոն Մայր Աթոռ Սուրբ Էջմիածնի

օրհնությունները: Փառք ենք մատուցում Տիրոջը, որ կրկին իրականություն է դարձել բերկրալի հանդիպումը Մելքունի Մեր սիրելի՛ զավակների հետ: Քաջալերված է Մեր հոգին, որ տեսնում ենք ձեզ հավատավոր հոգով, համախմբված այս եկեղեցու խնկաբույր կամարների ներքո՝ հակառակ տեղացող հորդ անձրեւին:

Ուրախության նույն զգացումով օրեր առաջ հանդիպեցինք Սիդնեյի ձեր եղբայրներին ու փուրերին: Միասնաբար աղոթեցինք եկեղեցու նվիրական հարկի ներքո, այցելեցինք կրթական եւ բարեսիրական հաստատություններ, հանդիպումներ ունեցանք երիտասարդների, տարեցների, ազգային կառույցների եւ ֆաղափական կուսակցությունների ներկայացուցիչների հետ, հաղորդ դարձանք այն ձեռնբերումներին, որ մեր զավակներն արձանագրել են իրենց համայնքում:

Ավստրալիայի օրհնյալ երկրում եկեղեցական մեր անդաստանի եւ ազգային կյանքի բարեգարությունը բարի արդյունքներն են մեր ժողովրդի հավատքի եւ նախանձախնդրության: Փառք Աստծուն, որ ի Քրիստոս հաստատեց մեր ժողովրդին եւ Սուրբ Հոգու առհավատչյան դրեց մեր հոգիներում: Այսօր ձեզ հետ միասնական աղոթքի այս խորհրդանշական պահին Սրբազան Պատարագի մաղթանքն ենք բարձրացնում՝ հայցելով երկնավոր մեր Տիրոջ շնորհներն ու պահպանությունը հավատավոր մեր ժողովրդին. «Տէր Աստուած մեր, կեցո՛ղ զժողովուրդս Քո, օրհնեա՛ղ զժառանգութիւնս Քո, եւ զլրումն եկեղեցւոյ Քո պահեա՛ղ»:

Աստծու Սուրբ Աջի օրհնության եւ պահպանության ներքո է մեր ժողովուրդը հարատեւել, հաղթահարել դարերի փորձությունները, գիր ու դպրություն, հարուստ մշակույթ ստեղծել, որը կրում է մեր ժողովրդի բրիստոնեական ոգու եւ հավատքի վառ դրոշմը: Հայրենիքից հեռու սփռվելով անգամ մեր ժողովրդի զավակները շեն ու պայծառ համայնքներ են կերտել՝ բարեգարդ եկեղեցիներով, կրթարաններով ազգային ու մշակութային հաստատություններով: Աշխարհի տարբեր երկրներում հայ համայնքները, հիրավի, մեր ժողովրդի ինքնության նվիրական օրհաններն են, որոնք իրենց յուրահատկությամբ ու ավանդույթներով հարստացնում են մեր ժողովրդի պատմությունը եւ իրենց բերած նպաստով սատար լինում նաեւ մեր հայրենիքի առաջընթացին ու զորացմանը: Այս իրականության առջեւ տեսանելի է, որ մեր ժողովրդի կրած նեղությունները, ողբերգությունները փոխհատուցվում են երկնաշնորհ ձեռնբերումներով, ֆանգի Տերը օրհնում եւ ապրեցնում է իրեն հավատարիմ ժողովրդին:

Սիրելի՛ հավատավոր զավակներ մեր, ամբողջ Ավետարանը, Աստծու խոստումները անխախտ կերպով կապված են Տիրոջ հանդեպ

հավատարմությամբ ապրելու հետ: Այսպես է, որ մարդու եւ ժողովուրդների երկրային նանապարհը, կյանքն ու գործը զարդարվում են աստվածապարզեւ շնորհներով: Տիրոջ զորակցությամբ եւ ձեր հավատքի, ազգասիրության ու եկեղեցասիրության շնորհիվ է, որ դուք եւ ձեր զավակները Մայր հայրենիքից հեռու՝ Ավստրալիայի այս հեռավոր ափերում, պահպանում եք ազգային ինքնությունը, շեն պահում ձեր համայնքը, ձեր եկեղեցիները եւ ազգային կառույցները:

Ձեր ու ձեր զավակների ազգային ու եկեղեցական կյանքը միշտ շեն կլինի մեր հայրերի հավատքին, մեր եկեղեցուն, սրբազան արժեքներին հավատարիմ, բարեպաշտ ընթացքով՝ ամենայն հարգանքով հանդերձ այլ ժողովուրդների եւ նրանց մշակութային առանձնահատկությունների հանդեպ: Մեր Սուրբ եկեղեցին իր յուրաքանչյուր զավակի հույսի ապաստանն է, մեղքի փաղարանը, մշտական բաշխողը աստվածային ողորմությունների, երկնային անսպառ օրհնությունների ու շնորհների: Մեր եկեղեցու հովանու ներքո է ամուր մնում ձեր հաղորդակցությունը հոգեւոր արժեքներին, հայրենիքին, ազգային մեր արմատներին, մեր պատմությանը: Հոգեկերտ այդ ակունքներից սնվելով դուք համայնքում պիտի շարունակեք արդյունավորել մեր մանուկներին կրթող հաստատությունների, ազգային մշակութային կազմակերպությունների գործունեությունը, նաեւ նախանձախնդրորեն ձեր ավանդը բերեք հայրենական մեր կյանքին:

Այն մեծ տարածությունը, սիրելիներ, որ բաժանում է ձեզ Հայաստանից երբեք չի կարող բաժանել ձեր սրտերը հայրենիքից: «Ուր ձեր գանձերն են, այնտեղ եւ ձեր սրտերը կլինեն», – ասում է մեր Տերը՝ Հիսուս Բրիստոս: Ձեր սերն ու մտահայացքը, արդարեւ, ուղղված են դեպի մեր ոգեղեն գանձերը, դեպի Մայր Աթոռ Սուրբ Էջմիածին, դեպի Արարատ, դեպի Հայաստան ու Արցախ հայրենի մեր երկիրը, որտեղ ձեր եղբայրներն ու քույրերը հույսով ու լավատեսությամբ, ֆաշարի սրտով արարում եւ կերտում են նոր կյանք մեր հայրենիքի:

Արդ, սիրելիներ, միշտ ապրեք պայծառ հավատքով, եկեղեցասիրությամբ, հաստատուն պահեք ձեր հայրենամիլիոնում ու ազգասիրությունը, շարունակեք գովարժան ընթացքով ու գործերով մասնակցություն եւ ներդրում բերել հայրենիքի առաջընթացին ու բարգավաճմանը: Շեն պահեք ձեր համայնքը, ազգային բոլոր կառույցները, որոնց հովանու ներքո զորանում է ձեր կյանքը, որոնց հովանու ներքո հասակ են առնում եւ ձեր արժանավոր զավակները դառնում այսօր մանուկ եւ պատանի ձեր դուստրերն ու որդիները:

Սիրելիներ, հեռու լինելով ձեզանից, Մենք մշտապես կրում ենք ձեզ Մեր հոգում: Եւ հանապազ Միածնաէջ Մայր Տաճարում աղոթք ենք առ Աստված բարձրացնում, հայցելով՝ «Տէր Աստուած մեր, կեցո՛ղ զժողովուրդս Քո, օրհնեա՛ղ զժառանգութիւնս Քո, եւ զլրումն Եկեղեցոյ Քո պահեա՛ղ»:

Այս մաղթանքով Հայրապետական մեր գնահատանքն ենք բերում թեմակալ առաջնորդ Գերաշնորհ Տ. Հայկազուն արքեպիսկոպոս Նաջարյանին, բարեշան ձեր հոգեւոր հովվին եւ եկեղեցական բոլոր սպասավորներին, նրանց առաքելությանն աջակցող թեմական եւ ծխական խորհուրդների պատվարժան անդամներին, կրթական, ազգային, մշակութային հաստատությունների ջանադիր բոլոր աշխատակիցներին եւ անդամներին: Մեր գնահատանքն ենք բերում Թեմական Խրհրդին եւ բոլոր այն նվիրյալ անձանց, ովքեր միասնաբար եւ նվիրումով աշխատանք տարան Ավստրալիայում Մեր Հովվապետական այցելությունը եւ հավատավոր հայորդիներիդ հետ Մեր հանդիպումները կազմակերպելու համար:

Առ Աստված աղոթքով մաղթում ենք, որ միշտ պայծառ ու շեն լինի Ավստրալիայի հայ համայնքը, ձեր կյանքում Տիրոջ օրհնությունը առատանա նորանոր ձեռքբերումներով, եկեղեցաշեն ու ազգանպաստ հաջողություններով: Թող երկնահեղ բարիքները անպակաս լինեն ձեզանից եւ ձեր ընտանիքներից:

Թող մեր Տիրոջ Աջի պահպանությունը, սերը, շնորհներն ու ողորմությունը լինեն ձեզ հետ եւ աշխարհասփյուռ մեր ժողովրդի՝ այսօր եւ միշտ եւ հավիտյան. ամեն:

* * *

Սուրբ Պատարագի ընթացքում Վեհափառ Հայրապետը Տ. Խաչեր քահանային պարգեւատրեց քահանայական լանջախաչով, իսկ Սուրբ Աստվածածին եկեղեցուն նվիրաբերեց արծաթյա սկիհ: Սուրբ Պատարագի ավարտին Վեհափառ Հայրապետի ձեռամբ բացվեց եկեղեցու հարեւանությամբ կանգնեցված հայկական խաչքարը՝ ի նշանավորումն Ամենայն Հայոց Կաթողիկոսի՝ Մելքուռն Երկրորդ հովվապետական այցելության: Այս առիթով Նորին Սրբությունն իր օրհնությունը բաշխեց խաչքարի տեղադրմանն իրենց նպաստը բերած հավատավոր հայորդիներին:

Ն.Ս.Օ.Տ.Տ. Գարեգին Բ. Ծայրագույն Պատրիարք եւ Ամենայն Հայոց Կաթողիկոսի Ավստրալիա կատարած հովվապետական այցի առիթով փետրվարի 10-ին Մելքուռնում տեղի ունեցավ պաշտոնական ընդունելություն եւ ճաշկերույթ, որի ժամանակ Մելքուռնի համայնքի կողմից

Վեհափառ Հայրապետին նվիրվեց ակնակուռ մատանի: Ճաշկերույթին ներկա էին թեմի հոգեւոր սպասավորներ, Ավստրալիայի եւ Նոր Զելանդիայի հայոց թեմի թեմական եւ ծխական խորհուրդների անդամներ, Մելբուռնի հայ համայնքի ներկայացուցիչներ, բարերարներ եւ հայկական կազմակերպությունների ներկայացուցիչներ:

Ընդունելության ընթացքում Ամենայն Հայոց Կաթողիկոսին եւ նրա շքախմբին ողջունեցին թեմական խորհուրդում Մելբուռնի ներկայացուցիչ տիար Ժակ Հոդագործյանը եւ Մելբուռնի Ս. Աստվածածին եկեղեցու հոգեւոր հովիվ Արժանապատիվ Տեր Խաչեր քհն. Հարությունյանը:

Հովվապետական այցի առիթով ավստրալահայության անունից իր երախտագետ զգացումները եւ որդիական սերը Հայոց Հորը փոխանցեց Ավստրալիայի եւ Նոր Զելանդիայի հայոց թեմի առաջնորդ Գերաշնորհ Տ. Հայկազուն արք. Նաջարյանը՝ վերստին ընդգծելով, որ Ամենայն Հայոց Կաթողիկոսի այցերը սփյուռքի համայնքներ մեծ խանդավառություն եւ նոր լիցքեր է հաղորդում հայրենիքից հեռու բնակվող հայորդիներին:

Պաշտոնական ճաշկերույթի ավարտին մելբուռնահայությանն իր պատգամն ու օրհնությունը բերեց Նորին Սրբություն Գարեգին Բ. Վեհափառ Հայրապետը:

Ն.Ս.Օ.Տ.Տ. ԳԱՐԵԳԻՆ Բ. ԱՄԵՆԱՅՆ ՎԱՅՈՅ ԿԱԹՈՂԻԿՈՍԻ ԽՈՍԲԸ
ԱՎԱՏՐԱԼԻԱՅԻ ԵՎ ՆՈՐ ԶԵԼԱՆԴԻԱՅԻ ՎԱՅՈՅ ԹԵՄ
ՀՈՎՎԱՊԵՏԱԿԱՆ ԱՅՑԻ ԱՌԻԹՈՎ
ՄԵԼԲՈՒՐՆՈՒՄ ԿԱԶՄԱԿԵՐՊՎԱԾ ՃԱՇԿԵՐՈՒՅԹԻ ԸՆԹԱՅՔՈՒՄ

(10 փետրվարի, 2019 թ.)

Սիրելի՛ Սրբազան,

Հոգեշնորհ եւ Արժանապատիվ հայրեր,

Սիրելի՛ հավատավոր զավակներ մեր եկեղեցու,

Ավստրալիայի Հայոց Թեմական խորհրդի եւ առաջնորդ Սրբազանի հրավերով Մեր այցը Ավստրալիա, անցնող օրերի հանդիպումները, միասնական աղոթքը Մեր հավատավոր զավակների հետ, կազմակերպված միջոցառումները, ինչպես եւ նորակառույց Առաջնորդարանի բացումը Սիդնեյում, անհուն ուրախություն եւ փառալուծություն պարգևեցին Մեզ: Մենք կրկին զգացինք իր հոգեւոր եւ ազգային արժեքների, իր ինֆնության, մայր հայրենիքի եւ

Սուրբ Էջմիածնի հանդեպ ավստրալաբնակ մեր ժողովրդի սերը, որը միավորում է համայն մեր ժողովրդին ի սփյուռս աշխարհի:

Արդարեւ, որտեղ էլ ապրում է մեր ժողովուրդը՝ հայացքն ուղղված է դեպի իր հավատքի ակունքը՝ Սուրբ Էջմիածինը եւ իր բնօրրան հայրենիքը, որտեղ Արարատի հայացքի ներքո ձեւավորվել է իբրեւ ժողովուրդ եւ ապրել հազարամյակները իր պատմության: Ասում են՝ հայերի ամենասիրած նկարները Արարատի եւ Մայր Տաճարի պատկերներն են: Եւ դա ճշմարտություն է ու նաեւ բնական է, քանի որ այդ պատկերները մեր ժողովրդի հոգում են՝ իբրեւ դրոշմ մեր ինքնության, հոգետուր եւ ազգային մեր արժեքների, որոնք միավորում են մեզ մայրցամաքից մայրցամաք, համախմբում եկեղեցիների գմբեթների ներքո ու ազգային կյանքի մեջ: Որքան էլ տարբեր երկրներում մեր ժողովրդի զավակները տարբեր մտածողության, կրթության ու դաստիարակության կրողն են, նրանց մեջ բաբախում է սիրտը հայկականության, կոչնակը ազգային ինքնության: Իրոք, ի՞նչն է այստեղ բնակվող հայորդուն մղում ամենօրյա իր հոգսերից բացի մտածելու մայր հայրենիքի դժվարությունների մասին, հայրենիքում կամ սփյուռքի մեկ այլ համայնքում բնակվող իր ազգակցի կարիքների մասին, եթե ոչ մեր ժողովրդի լուսավոր գալիքի տեսիլքը, հոգետուր եւ ազգային արժեքների կարեւորության գիտակցումը եւ որպես ազգի ու եկեղեցու զավակ՝ որդիական պատասխանատվությունը:

Սիրելիներ, քրիստոնյա եւ ազգային մեր ինքնությունը պահպանելու այդ ներքին կոչնակն է ամենուր դողանջել հայ համայնքի ունկերին՝ առաջնորդելով հաճախ զրկանքների գնով ձեռնամուխ լինելու նախ եկեղեցու կառուցմանը եւ ապա կողքին՝ հայկական դպրոցի հաստատմանը, որպեսզի երաշխավորվի հավատքի եւ ազգային ոգու հարատևությունը: Դրա վառ վկայությունները տեսնում ենք ինչպես Սիդնեյում, այնպես եւ Մելբուռնում: Տասնամյակներ առաջ այս օրհնյալ երկրում հաստատված հայորդիները, ձեր հայրերն ու մայրերը, նույնպես իրենց սրտի ձայնին ունկնդիր, իրենց հոգու մղումով ստանձնեցին ազգաշեն այդ առաքելությունը, որի շնորհիվ աշխարհի այս մասում նույնպես վեր հառնեցին հայկական եկեղեցիներ եւ ազգային հաստատություններ, հռչակվեց նաեւ՝ Առաքելական մեր Սուրբ եկեղեցու թեմը, որի հիսնամյակը լրացավ 2018 թվականին: Սիդնեյում նոր Առաջնորդարանի բացումը նաեւ ընծա է այդ հոբելյանին, հոգետուր եւ ազգային կյանքը զորացնելու հրավեր ողջ ավստրալաբնակ հայ համայնքին:

Այս այցի ընթացքում եւս Մենք տեսանք եւ հաստատեցինք, որ հայկական համայնքն Ավստրալիայում արժանանում է տեղական իշխանությունների եւ հոգետուր առաջնորդների ջերմ ու հարգալից վերաբերմունքին եւ

գնահատանքին: Մենք գոհունակությամբ ակնատես եղանք համայնքի գոհարժան ձեռքբերումներին, ինչպես նաև՝ այսօրվա հրամայականներին եւ ձեր նվիրյալ ջանքերին, որոնցով, ինչպես ողջ սփյուռքը, ջանում եք հաղթահարել ազգային ինքնության, մայրենի լեզվի ու արժեքների պահպանության մարտահրավերները: Ժամանակը, արդարեւ, ավելին է պահանջում, առավել ջանքեր, համախմբում: Մենք կարիքն ունենք ազգային եւ եկեղեցական կյանքի մեջ մեր ժողովրդի զավակների առավել ներգրավման, ազգային միասնականության ամրապնդման եւ լավատես հոգով ներշնչում գործունեության ծավալման: Առանձնակի կարեւորությամբ հարկ է աշխատանք իրականացնել երիտասարդության հետ, որպեսզի պատասխանատու զգան իրենց համայնքային կյանքում:

Հայրապետիս հորդորն է, սիրելիներ, որ ամուր հավատով ու վառ հույսով նախանձախնդիր մնաք ձեր եկեղեցական եւ ազգային կյանքի հանդեպ: Շարունակեք պայծառացնել ձեր համայնքը, ձեր զավակներին դարձրեք աշակերտներ Ավետարանի, որպեսզի լինեն Աստծու օրհնության ու շնորհների ներքո եւ կառուցեն իրենց երջանիկ կյանքը: Նրանց կրթեք եկեղեցասիրությամբ, հայրենասիրությամբ, որպեսզի մեր ժողովուրդը որդոց որդի շարունակի կրել հոգում՝ որպես նվիրական խորհուրդ, Արարատի ու Սուրբ Էջմիածնի պատկերը եւ հոգետը ու ազգային իր արժեքներով իրագործի իր իդձերը եւ կերտի իր հզոր, առաջընթաց հայրենիքը, իր լուսավոր ապագան:

Մայր Աթոռը, սիրելիներ, Տիրոջ օրհնությամբ արդյունավորում է իր առաքելությունը: Եկեղեցիներ են կառուցվում, եկեղեցականներ պատրաստվում, հոգետը խոսքը մատուցվում է նաեւ հեռուստա եւ ռադիո հաղորդումներով, հրատարակվող գրքերով: Եկեղեցականները սպասավորում են նաեւ բանակում, սոցիալական հաստատություններում: Աջակցություն է իրականացվում ծնողագուրկ երեխաներին եւ կարիքավորներին: Այս ձեռքբերումները իրագործվում են նաեւ սփյուռքի հայության մեծ աջակցությամբ եւ առավել ոգեշնչում ու գոտեպնդում հայրենաբնակ ձեր քույրերին ու եղբայրներին, ովքեր իրենց կյանքով պաշտպանում են մեր երկիրը եւ շենացնում այն ու դարձնում տունը ողջ հայության: Մեր հայրենիքում այսօր ընթացող փոփոխությունները հույսն են պարգևում զարգացման հեռանկարների, որոնցում կարելու ավանդ պիտի բերեն նաեւ սփյուռքի համայնքները, որպեսզի հայրենիքով միավորված՝ բարձրանա ազգային մեր կյանքը ի սփյուռս աշխարհի:

Սիրելիներ, քաջալեր հոգով Հայրապետական Մեր օրհնությունն ենք բերում ձեզ: Մեր գնահատանքը՝ Գերաշնորհ Տ. Հայկազուն արքեպիսկոպոս Նաջարյանին, նրան լծակից հոգետը սպասավորներին՝ մեր ժողովրդի հոգետը

կյանքի հանդեպ դրսևորած նախանձախնդրության համար: Բարձր ենք գնահատում թեմական խորհրդի, եկեղեցական վարչությունների անդամների, ազգային կառույցներում ներգրավված մեր ժողովրդի զավակների նվիրյալ ծառայությունը ի նպաստ թեմական ու համայնքային կյանքի պայծառության: Մեր գնահատանքն ենք բերում նաև Մեր այցն ու ընդունելությունը ամենայն սիրով ու պատասխանատվությամբ կազմակերպած բոլոր հայորդիներին, տիկնանց միության անդամներին, դպրոցների հոգաբարձուներին, տնօրեն վարչությանց անդամներին, մանկավարժներին, ինչպես եւ՝ արվեստի գործիչներին, այսօր գեղեցիկ կատարումով իրենց ձիւրքն ու տաղանդը մեզ ներկայացնող պարաօլիմպիկ ղեկավարին եւ անդամներին:

Աղոթք ենք բարձրացնում, որ Տերը Իր ամենախնամ Աշի հովանու ներքո խաղաղության ու բարօրության մեջ պահի Ավստրալիան եւ այստեղ բնակվող մեր ժողովրդին, պայծառ պահի մեր եկեղեցիները, մեր ազգային հաստատությունները:

Մենք հրաժեշտ ենք տալիս ձեզ ֆաղցր հիշատակներով հիշողություններով, որոնցով պիտի վերադառնանք Մայր Աթոռ Սուրբ Էջմիածին եւ պիտի աղոթենք ձեզ համար, Սիդնեյի եւ Մելբուռնի մեր հավատավոր զավակներիդ համար՝ հայցելով Տիրոջ օրհնությունն ու շնորհները ձեր ընտանիքներին:

Թող Տերը խաղաղ պահի Ավստրալիան, խաղաղ պահի Հայաստան եւ Արցախ հայրենի մեր երկիրը, հավատքով ամուր՝ մեր ողջ ժողովրդին ի սփյուռս աշխարհի եւ օրհնի մեր ջանքերը ի սեր մեր կյանքի առաջընթացի ու բարգավաճման, մեր եկեղեցու հավետ պայծառությամբ:

Թող Տիրոջ սերը, շնորհները եւ օրհնությունը լինեն մեզ հետ եւ բոլորի այսօր եւ միշտ. ամեն:

* * *

Նույն օրը Երեկոյան ավարտվեց Ն.Ս.Օ.Տ.Տ. Գարեգին Բ. Ծայրագույն Պատրիարք եւ Ամենայն Հայոց Կաթողիկոսի Ավստրալիայի եւ Նոր Զելանդիայի հայոց թեմի կատարած հովվապետական այցը:

